

四庫全書薈要

• 乾隆御覽本

子部

黃帝內經素問卷十三

唐王冰次註

宋林億等校正

病能論

奇病論

大奇論

脉解篇

病能論篇第四十六

新校正云按全元起本在第五卷

黃帝問曰人病胃脫癰者診當何如歧伯對曰診此者

當候胃脉其脉當沈細沈細者氣逆

胃者水穀之海其血盛氣壯今反脉

沈細者是逆常平也

新校正云按

甲乙經沈細作沈瀟太素作沈細

逆者人迎甚盛甚

盛則熱

沈細為寒寒氣格陽故人迎脉盛人迎者陽明之脉故盛則熱也人迎謂結喉傍脉動應手者

人迎者胃脉也

胃脉循喉嚨而入缺盆故云人迎者胃脉也

逆而盛則熱聚

於胃口而不行故胃脘為癰也

血氣壯盛而熱內薄之兩氣合熱故結為癰也

帝曰善人有卧而有所不安者何也岐伯曰藏有所傷

及精有所之寄則安故人不能懸其病也

五藏有所傷損及水穀之

精氣有所之寄扶其下則卧安以傷及於藏故人不能懸其病處於空中也

新校正云按甲乙經精有所之

寄則安作情有所倚則卧不安
安太素作情有所倚則不安
帝曰人之不得偃卧者何

也
謂不得仰卧也
歧伯曰肺者藏之蓋也
居高布葉四藏下之故言肺者藏之蓋也

肺氣盛則脉大脉大則不得偃卧
肺氣盛滿偃卧則氣促喘奔故不得偃卧

也
論在奇恒陰陽中
奇恒陰陽上古經篇名世本闕
帝曰有病厥者診

右脉沈而緊左脉浮而遲不然病主安在
不然言不沈也新校正

云按甲乙經不然作不知
歧伯曰冬診之右脉固當沈緊此應四時

左脉浮而遲此逆四時在左當主病在腎頗關在肺當

腰痛也
以冬左脉浮而遲浮為肺脉故言頗關在肺也腰者腎之府故腎受病則腰中痛也
帝曰

欽定四庫全書
內經素問
二

何以言之歧伯曰少陰脉貫腎絡肺今得肺脉腎為之

病故腎為腰痛之病也

左脉浮遲非肺來見以左腎不足而脉不能沈故得肺脉腎為

也病帝曰善有病頸癰者或石治之或鍼灸治之而皆已

其真安在

言所攻則異所愈則同欲聞真法何所在也

歧伯曰此同名異等

者也

言雖同曰頸癰然其皮中別異不一等也故下云

夫癰氣之息者宜以鍼

開除去之夫氣盛血聚者宜石而寫之此所謂同病異

治也

息癰也死肉也石砭石也可以破大癰出膿今以鉶鍼代之

帝曰有病怒狂者

新校正云按太素起狂作善怒

此病安生歧伯曰生於陽也帝曰陽何

以使人狂

故謂之狂

岐伯曰陽氣者因暴折而難決故

善怒也病名曰陽厥

言陽氣被折鬱不散也此人多怒亦曾因暴折而心不疏暢故爾如

是者皆陽逆躁狂

帝曰何以知之岐伯曰陽明者常動

巨陽少陽不動不動而動大疾此其候也

言頸項之脈皆動不止也

陽明常動者動於結喉傍是謂人迎氣舍之分位也若少陽之動動於曲頰下是謂天憲天牖之分位也若巨

陽之動動於項兩傍大筋前陷者中是謂天柱天容之分位也不應常動而反動甚者動當病也

詳王注以天牖為少陽之分位天容為太陽之分位按甲乙經天牖乃太陽脈氣所發天容乃少陽脈氣所發

二位交互當以甲乙經為正也

帝曰治之奈何岐伯曰奪其食即已夫

食入於陰長氣於陽故奪其食即已

食少則氣衰故節去其食即病自止

新校正云按甲乙經奪作衰大素同也

使之服以生鐵洛為飲

新校正云按甲乙經

鐵洛作鐵落為飲作為後飯

夫生鐵洛者下氣疾也

之或為人傳文誤也鐵洛味辛

微溫平主治下氣方俗或呼為鐵漿非是生鐵液也

帝曰善有病身熱解墮汗出

如浴惡風少氣此為何病岐伯曰病名曰酒風

飲酒中風者也

風論曰飲酒中風則為酒風是亦名酒風也夫極飲者陽氣盛而腠理疎主府開發陽盛則筋痿弱故身體解

墮也腠理疎則風內攻主府發則氣外泄故汗出如浴也風氣外薄膚腠復開汗多內虛痺熱熏肺故惡風少

氣也因酒而病故曰酒風

帝曰治之奈何岐伯曰以澤瀉朮各十分

麋銜五分合以三指撮為後飯

水味苦溫平主治大風止汗麋銜味苦寒平主

治風濕筋痿澤瀉味甘寒平主治風濕益氣由此功用方故先之飯後藥先謂之後飯

所謂深之

細者其中手如鍼也摩之切之聚者堅也博者大也上

經者言氣之通天也下經者言病之變化也金匱者決

死生也揆度者切度之也奇恒者言奇病也所謂奇者

使奇病不得以四時死也恒者得以四時死也

新校正云按楊

上善云得病傳之至於勝時而死此為恒中生喜怒令病次傳者此為奇

所謂揆者方切求

之也言切求其脉理也度者得其病處以四時度之也

凡言所謂者皆釋未了義今此所謂尋前後經文悉不
與此篇義相接似今數句少成文義者終是別釋經文
世本既闕第七二篇應彼闕經
錯簡文也古文斷裂謬續於此

奇病論篇第四十七

新校正云按全元起本在第五卷

黃帝問曰人有重身九月而瘖此為何也

重身謂身中有身則懷妊

者也瘖謂不得言語也妊娠九月足少陰脉養胎約氣斷則瘖不能言也

歧伯對曰胞之絡

脉絕也

絕謂脉斷絕而不通流而不能言非天真之氣斷絕也

帝曰何以言之歧

伯曰胞絡者繫於腎少陰之脉貫腎繫舌本故不能言

少陰腎脉也氣不營養故舌不能言帝曰治之奈何歧伯曰無治也當十

月復

十月胎去胞絡復通腎脉上營故復舊而言也

刺法曰無損不足益有餘

以成其疹

疹謂火病也反法而治則胎死不去遂成火因之疹病也

然後調之

新校正云

按甲乙經及太素無此四字按全元起注云所謂不治者其身九月而瘖身重不得為治湏十月滿生後復如常也然後調之則此四字本全所謂無損不足者身羸元起注文誤書於此當刪去之

瘦無用饒石也

妊娠九月筋骨瘦勞力少身重又拒無於穀故身形羸瘦不可以饒石傷也

益其有餘者腹中有形而泄之泄之則精出而病獨擅

中故曰疹成也

胎約胞絡腎氣不通因而泄之腎精隨出精液內竭胎則不全胎死腹中著而

不去由此獨擅故疹成焉

帝曰病脇下滿氣逆二三歲不已是為何

病歧伯曰病名曰息積此不妨於食不可灸刺積為導

引服藥藥不能獨治也

腹中無形脇下逆滿頻歲不愈息且形之氣逆息難故名息積

也氣不在胃故不妨於食也灸之則火熱內燍氣化為風刺之則必傷其經轉成虛敗故不可灸刺是可積為導引使氣流行久以藥攻內消瘀積則可矣若獨憑其藥而不積為導引則藥亦不能獨治之也帝曰

人有身體脾股脣皆腫環齊而痛是為何病歧伯曰病

名曰伏梁

以衝脉病故名曰伏梁然衝脉者與足少陰之絡起於腎下出於氣街循陰股內廉斜入

膈中循脣骨內廉並足少陰經下入內踝之後入足下其上行者出齊下同身寸之三寸關元之分伏齊直上循腹各行會於咽喉故身體脾皆腫繞此風根也其氣齊而痛名曰伏梁環謂圓繞如環也

溢於大腸而著於育育之原在齊下故環齊而痛也

大腸

廣腸也經說大腸當言迴腸也何者靈樞經曰迴腸當齊右環迴周葉積而下廣腸附脊以受迴腸左環葉積上下辟大尋此則是迴腸非可言大腸也然大不可動之腸迴腸俱與肺合從合而命故通曰大腸也

動之為水溺瀦之病也

以衡脉起於腎下出於氣街其上行者起於胞中上出齊下關

元之分故動之則為水而溺瀦也動謂齊其毒藥而擊動之使其大下也此一問答之義與腹中論同以為奇

病故重帝曰人有尺脉數甚筋急而見此為何病

謂筋急

後尺中兩筋急也脉要精微論曰尺外以候腎尺裏以候腹中今尺脉數急脉數為熱熱當筋緩反尺中筋急而見腹中筋當急故問為病乎歧伯曰此所謂疹筋是

人腹必急白色黑色見則病甚

腹急謂俠齊堅筋俱急以尺裏候腹中故見尺

中筋急則必腹中拘急矣色見謂見於面部也夫相五色者白為寒黑為寒故二色見病彌甚也

帝曰

人有病頭痛以數歲不已此安得之名為何病

頭痛之疾不當

踰月數年不愈故怪而問之也

歧伯曰當有所犯大寒內至骨髓髓者

以腦為主腦逆故令頭痛齒亦痛

夫腦為髓主齒是骨餘腦逆反寒骨亦寒

入故令頭痛齒亦痛

病名曰厥逆帝曰善

全注人先生於腦緣有腦則有骨髓齒者骨之

本也帝曰有病口甘者病名為何何以得之歧伯曰此五

氣之溢也名曰脾痺

痺謂熱也脾熱則四藏同稟故五氣上溢也生因脾熱故曰脾痺

夫五味入口藏於胃脾為之行其精氣津液在脾故令

人口甘也

脾熱內滲津液在脾胃澁化餘精氣隨溢

此

肥美之所發也

新校正云按太素發作致

此人必數食甘美而多肥

也肥者令人內熱甘者令人中滿故其氣上溢轉為消

渴

食肥則腠理密陽氣不得外泄故肥令人內熱甘者性氣和一而發散逆故甘令人中滿然內熱則陽氣

炎上炎上則欲飲而噎乾中滿則陳氣有餘有餘則脾氣上溢故曰其氣上溢轉為消渴也陰陽應象大論曰

辛甘發散為陽靈樞經曰甘多食之令人悶然從

中滿以生之新校正云按甲乙經消渴作消瘕

治之

以蘭除陳氣也

蘭謂蘭草也神農曰蘭草味辛熱平利水道辟不祥胃中痰癖也除謂去也陳

謂以也言蘭除陳久甘肥不化之氣者以辛能發散故也藏氣法時論曰辛者散也

新校正云按本草蘭平

不言熱也帝曰有病以苦取陽陵泉口苦者病名為何何以

得之歧伯曰病名曰膽痺

亦謂熱也膽汁味苦故口苦新校正云按全元起本及

太素無口苦取陽陵泉六字詳前後文勢疑此為誤夫肝者中之將也取決於膽

咽為之使

靈蘭秘典論曰肝者將軍之官謀慮出焉膽

故諸謀慮取決於膽咽膽相應故咽為使焉新校正

云按甲乙經曰膽者中精之府五藏取決於膽咽為之

使疑此文誤

此人者數謀慮不決故膽虛氣上溢而口為之

苦治之以膽募俞

胃腹曰募背脊曰俞膽募在乳下二肋外期門下同身寸之五分俞在脊

第十推下兩傍相去治在陰陽十二官相使中言治法各同身寸之一寸半

篇今經已亡帝曰有瘥者一日數十漫此不足也身熱如炭

頸膺如格人迎躁盛喘息氣逆此有餘也是陽氣太盛於外陰氣不

足故有餘也新校正云詳此十五字舊作文寫按甲乙經太素並無此文再詳乃是全元起注後人誤書於

此今作太陰脉微細如髮者此不足也其病安在名為

何病瘥小便不得也漫小便也頸膺如格言頸與胃膺如相格拒不順應也人迎躁盛謂結喉兩傍脉動

盛滿急數非常躁速也胃脉也太陰脉微細如髮者謂

手大指後同身寸之一寸骨高脉動處脉則肺脉也此

正手太陰脉氣之所

歧伯曰病在太陰其盛在胃頗在

肺病名曰厥死不治

病瘥數洩身熱如炭頸膺如格息氣逆者皆手太陰脈當洪大而數

今太陰脈反微細如髮者是病與脈相反也何以致之肺氣逆陵於胃而為是上使人迎躁盛也故曰病在太陰其盛在胃也以喘息氣逆故云顛亦在肺也

病因氣逆證不相應故病名曰厥死不治也

此所謂

得五有餘二不足也帝曰何謂五有餘二不足歧伯曰

所謂五有餘者五病之氣有餘也二不足者亦病氣之

不足也今外得五有餘內得二不足此其身不表不裏

亦正死明矣

外五有餘者一身熱如炭二頸膺如格三人迎躁盛四喘息五氣逆也內二不足者

一病瘥一日數十洩二太陰脈微細如髮夫如是者謂其病在表則內有二不足謂其病在裏則外得五有餘

表裏既不可馮補爲固難爲法故曰此其身不表不裏亦正死明矣帝曰人生而有病顛

疾者病名曰何安所得之

夫百病者皆生於風雨寒暑陰陽喜怒也然始生有形未

犯邪氣已有顛疾豈邪氣素傷邪故問之顛謂上顛則頭首也歧伯曰病名爲胎病此

得之在母腹中時其母有所大驚氣上而不下精氣并

居故令子發爲顛疾也

精氣謂陽之精氣也

帝曰有病瘵然如有

水狀切其脉大緊身無痛者形不瘦不能食食少名爲

何病

瘵然謂面目浮起而色雜也大緊謂如弓弦也大即爲氣緊即爲寒寒氣內薄而反無痛與衆別異

常故問之也

歧伯曰病生在腎名爲腎風

脉如弓弦大而且緊勞氣內穢寒復

內爭勞氣薄寒故化爲風風勝於腎故曰腎風腎風而不能食善驚驚已心氣

痿者死

腎水受風心火痿弱水火俱困故必死

帝曰善

大奇論篇第四十八

新校正云按全元起本在第九卷

肝滿腎滿肺滿皆實即爲腫

滿謂脉氣滿實也腫謂癰腫也藏氣滿乃如是

肺

之雍喘而兩胠滿

肺藏氣而外主息其脉支別者從肺系橫出腋腋下故喘而兩胠滿也

新

扶正云詳肺雍肝雍腎雍甲乙經俱作癰

肝雍兩胠滿卧則驚不得小便

之肝

脉循股陰入髀中環陰器抵少腹上貫肝鬲布腎雍脚脇肋故胠滿不得小便也肝主驚駭故卧則驚

腎雍脚

下至少腹滿

新校正云按甲乙經脚下作胠下脚當作胠不得言脚下至少腹也

脛有大

小髀髀大跛易偏枯

衝脈者經脈之海與少陰之絡俱起於腎下出於氣衝循陰股內廉

斜入腠中循髀骨內廉並少陰之經下入內踝之後入足下其上行者出齊下同身寸之三寸故如是若血氣

變易為心脈滿大癰瘰筋攣

心脈滿大則肝氣下流熱氣內薄筋乾血涸故癰瘰

而筋攣肝脈小急癰瘰筋攣

肝養筋內藏血肝氣受寒故癰瘰而筋攣脈小急者寒也

肝脈驚暴有所驚駭

驚謂馳驚言其迅急也陽氣內薄故發為驚也

脈不至若

瘖不治自己

又肝氣若厥厥則脈不通厥退則脈復通矣又其脈布脇肋循喉嚨之後故脈不至若

瘖不治腎脈小急肝脈小急心脈小急不鼓皆為瘖急

為寒甚不鼓則血不流血不流而寒薄故血內凝而為瘖也

腎肝并沈為石水

肝脈入陰

內貫小腹腎脉貫脊中絡膀胱兩藏并藏氣熏衝脉自
腎下絡於胞今水不行化故堅而結然腎主水水冬水
水宗於腎腎象水而沈故氣并而沈名為石水新校
正云詳腎肝並沈至下并小弦欲驚全元起本在厥論
中王氏并浮為風水脉浮為風下焦主水并虛為死腎
移於此并浮為風水脉浮為風下焦主水并虛為死腎
五藏之根肝為發生之主二并小弦欲驚脉小弦為肝
者不足是生主俱微故死并小弦欲驚脉小弦為肝
腎脉大急沈肝脉大急沈皆為疝疝者寒氣結聚之所
急為痛氣實寒薄心脉搏滑急為心疝肺脉沈搏為肺
聚故為絞痛為疝心脉搏滑急為心疝肺脉沈搏為肺
疝皆寒薄於三陽急為瘕三陰急為疝太陽受寒血凝
氣聚二陰急為癰厥二陽急為驚二陰少陰也二陽陽
為疝二陰急為癰厥二陽急為驚明也新校正云詳

二陽急為瘕至此全元起本在厥論王氏移於此

脾脉外鼓沈為腸澼久自己

外鼓謂鼓動於臂外也

肝脉小緩為腸澼易治

肝脉小緩為脾

腎

脉小搏沈為腸澼下血

小為陰氣不足搏為陽氣乘之熱在下焦故下血也

血温

身熱者死

血温身熱是陰氣喪敗故死

心肝澼亦下血

肝藏血心養血故澼皆下

血也二藏同病者可治

心火肝木木火相生故可治之

其脉小沈瀯為腸

澼心肝脉小而沈瀯者澼也

其身熱者死熱見七日死

腸澼下血而身熱者是火

氣內絕去心而歸於外也故死火成數七故七日死

胃脉沈鼓瀯胃外鼓大心脉

小堅急背脊偏枯

外鼓謂不當尺寸而鼓擊於臂外側也

男子發左女子

發右

陽主左陰主右故兩陰陽應象大論曰左右者陰陽之道路此其義也

不瘖舌轉可

治三十日起

偏枯之病瘖不能言腎與胞脉內絕也胞脉繫於腎腎之脉從腎上貫肝鬲入肺中

循喉嚨俠舌本故氣內絕則瘖不能言也

其從者瘖三歲起

從謂男子發左女子發右也病

順左右而瘖不能言三歲治之乃能起

年不滿二十者三歲死

以其五藏始定血氣

方剛藏始定則易傷氣方剛則甚費易傷甚費故三歲死也

脉至而搏血衄身熱者

死

血衄為二脉不應搏今反脉搏是氣極乃然故死

脉來懸鉤浮為常脉

以其為血

衄者之脉至如喘名曰暴厥

喘謂卒來盛急去而便衰如人之喘狀也

暴厥

者不知與人言

所謂暴厥之候如此

脉至如數使人暴驚

脉數為熱熱則

內動肝三四日自己

數為心脉木被火干病非肝生不與邪合故三日後四日自除所以

爾者木生數三也

脉至浮合

如浮波之合後至者凌前速疾而動無常候也

浮合如數

一息十至以上是經氣予不足也微見九十日死脉至

如火新然是心精之予奪也草乾而死

新然之火燄替暫不定其形而

便絕也脉至如散葉是肝氣予虛也木葉落而死

如散葉之隨風

不常其狀按甲乙經散葉作叢棘

新校正云

脉至如省客省客者脉塞而鼓

是腎氣予不足也懸去棗華而死

脉塞而鼓謂緩見不行旋復去也懸謂如

懸物物動而絕去也

脉至如丸泥是胃精予不足也榆莢落而死

如珠之轉脉至如橫格是膽氣予不足也禾熟而死

長脉

而堅如橫木脉至如弦纒是胞精予不足也病善言下

之在指下也

霜而死不言可治

肥之脉繫於腎腎之脉俠舌本人氣不足者則當不能言今反善言是真

氣內絕去腎外歸於舌也故死脉至如交漆交漆者左右傍至也微見

三十日死

左右傍至言如澀漆之交左右反戾脉至如新校正云按甲乙經交漆作交棘

涌泉浮鼓肌中太陽氣予不足也少氣味韭英而死

水如

泉之動但出而不入脉至如頽土之狀按之不得是肌氣予不足

也五色先見黑白壘發死

頽土之狀謂浮大而虛與按之則無新校正云按

甲乙經類
土作委土

脉至如懸雍懸雍者浮揣切之益大是十二

俞之予不足也水凝而死

如類中之懸雍也按全元起本懸雍作懸離元

新校正云

起注云懸離者言脉與肉不相得也

脉至如偃刀偃刀者浮之小急按之

堅大急五藏菹熟寒熱獨并於腎也如此其人不得坐

立春而死

菹積也熱熱也

脉至如丸滑不直手不直手者按之

不可得也是大腸氣予不足也棗葉生而死脉至如華

者令人善恐不欲坐卧行立常聽是小腸氣予不足也

季秋而死

脉至如華謂似華虛弱不可正取也小腸之脉上入耳中故常聽也

脉解篇第四十九

新校正云按全元起本在第九卷

太陽所謂腫腰腓痛者正月太陽寅寅太陽也

腫謂腓肉也正

月三陽生主建寅三陽謂之太陽故曰寅太陽也

正月陽氣出在上而陰氣盛

陽未得自次也

正月雖三陽生而天氣尚寒以其尚寒故曰陰氣盛陽未得自次次謂立王之

次故腫腰腓痛也

以其脉抵腰中入貫膂過髀樞故耳

病偏虛為跛者正

月陽氣凍解地氣而出也所謂偏虛者冬寒頗有不足

者故偏虛為跛也

以其脉循股內後廉合膕中下循膕過外踝之後循京骨至小指外側故

也新校正云詳王氏云其脉循股內殊非按甲乙經太陽流注不到股內股內乃解外之誤當云髀外後廉

所謂強上引背者陽氣大上而爭故強上也

強上謂顛項禁強也

甚則引背矣所以兩者以其脈從腦出別下項背故也

所謂耳鳴者陽氣萬物盛

上而躍故耳鳴也

以其脈支別者從顛至耳上角故爾

所謂甚則狂顛疾

者陽盡在上而陰氣從下下虛上實故狂顛疾也

以其脈上

顛交顛上入絡腦還出其支別者從顛至耳上角故狂顛疾也頂上曰顛

所謂浮為聾者皆

在氣也

亦以其脈至耳故也

所謂入中為瘖者陽盛已衰故為瘖

也

陽氣盛入中而薄於胞腎則胞絡腎絡氣不通故瘖也胞之脈繫於腎腎之脈俠舌本故瘖不能言也

內奪而厥則為瘖俳此腎虛也

俳廢也腎之脈與衝脈並出於氣街循陰股內

廉斜入膈中循肝骨內廉及內踝之後入足下故腎氣內奪而不順則舌瘡足廢故云此乃腎虛也新

校正云詳王注云腎之脉與衝脉並出按甲乙經是腎

絡非腎之脉况王注痿論并奇病論大奇論並云腎

之絡則此脉少陰不至者厥也少陰腎脉也若腎氣內

字當為絡少陰不至者厥也脫則少陰脉不至也少

陰之脉不至是則太少陽所謂心脇痛者言少陽盛也

陰之氣逆上而行也少陽所謂心脇痛者言少陽盛也

盛者心之所表也心氣逆則少陽盛心氣宜木外九月陽

氣盡而陰氣盛故心脇痛也足少陽脉循脇裏出氣街

主脉循胃出脇故兩火

基於戌故九月陽所謂不可反側者陰氣藏物也物藏

氣盡而陰氣盛也所謂不可反側者陰氣藏物也物藏

則不動故不可反側也所謂甚則躍者躍謂跳九月萬

躍也

則不動故不可反側也所謂甚則躍者躍謂跳九月萬

躍也

物盡衰草木畢落而墮則氣去陽而之陰氣盛而陽之

下長故謂躍

亦以其脉循髀陽出膝外廉下入外輔之前直下抵絕骨之端下出外踝之前循足

附故氣盛則令人跳躍也

陽明所謂洒洒振寒者陽明者午也五月

盛陽之陰也

陽盛以明故云午也五月夏至一陰氣上陽氣降下故云盛陽之陰也

陽盛

而陰氣加之故洒洒振寒也

陽氣下陰氣升故云陽盛而陰氣加之也

所謂

脛腫而股不收者是五月盛陽之陰也陽者衰於五月

而一陰氣上與陽始爭故脛腫而股不收也

以其脉下髀抵伏也

下入膝腘中下循鼈外廉下足附入中指內間又其支別者下膝三寸而別以下入中指外間故爾

所謂

上喘而為水者陰氣下而復上上則邪客於藏府間故

為水也

藏脾也府胃也足太陽脉從足走腹足陽明脉從頭走足今陰氣微下而太陰上行故云陰氣

下而復上也復上則所下之陰氣不散客於脾胃之間化為水也

所謂胃痛少氣者水

氣在藏府也水者陰氣也陰氣在中故胃痛少氣也

水停

於下則氣鬱於上氣鬱於上則肺滿故胃痛少氣也

所謂甚則厥惡人與火聞木

音則惕然而驚者陽氣與陰氣相薄水火相惡故惕然

而驚也所謂欲獨閉戶牖而處者陰陽相薄也陽盡而

陰盛故欲獨閉戶牖而居

惡喧故爾

所謂病至則欲乘高而

歌棄衣而走者陰陽復爭而外并於陽故使之棄衣而

走也

新校正云詳所謂甚則厥至此與前陽明脉解論相通

所謂客孫脉則頭痛

鼻軌腹腫者陽明并於上上者則其孫絡太陰也故頭

痛鼻軌腹腫也太陰所謂病脹者太陰子也十一月萬

物氣皆藏於中故曰病脹

陰氣大盛太陰始於子故云子也以其脉入腹屬脾絡胃

故病所謂上走心為噫者陰盛而上走於陽明陽明絡

屬心故曰上走心為噫也

按靈樞經說足陽明流注並無至心者太陰脉說云其支

別者復從胃別上膈注心中法應以此絡為陽明絡也
新校正云詳王氏以足陽明流注並無至心者按甲

乙經陽明之脉上通於心循咽出於口宜其
經言陽明絡屬心為噫王氏安得謂之無所謂食則

嘔者物盛滿而上溢故嘔也
以其脉屬脾絡胃所謂得

後與氣則快然如衰者十二月陰氣下衰而陽氣且出

故曰得後與氣則快然如衰也少陰所謂腰痛者少陰

者腎也十月萬物陽氣皆傷故腰痛也
少陰者腎脉也

也所謂嘔欬上氣喘者陰氣在下陽氣在上諸陽氣浮

無所依從故嘔欬上氣喘也
以其脉從腎上貫肝鬲所

謂色色
新校正云詳色色字疑誤不能久立久坐起則目眩眩無所

見者萬物陰陽不定未有主也秋氣始至微霜始下而
方殺萬物陰陽內奪故目眦眦無所見也所謂少氣善
怒者陽氣不治陽氣不治則陽氣不得出肝氣當治而
未得故善怒善怒者名曰煎厥所謂恐如人將捕之者
秋氣萬物未有畢去陰氣少陽氣入陰陽相薄故恐也
所謂惡聞食臭者胃無氣故惡聞食臭也所謂面黑如
地色者秋氣內奪故變於色也所謂欬則有血者陽脉
傷也陽氣未盛於上而脉滿滿則欬故血見於鼻也厥

陰所謂癰疽婦人少腹腫者厥陰者辰也三月陽中之

陰邪在中故曰癰疽少腹腫也

以其脉循股陰入髦中環陰器抵少腹故爾

所謂腰脊痛不可以俛仰者三月一振榮華萬物一俛而不仰也所謂癰疽皮膚脹者曰陰亦盛而脉脹不通故曰癰疽也所謂甚則噤乾熱中者陰陽相薄而熱故噤乾也

此一篇殊與前後經文不相連接別釋經脉發病之源與靈樞經流注略同所指殊異

新校正云詳此篇所解多甲乙經是動所生之病雖復少有異處大槩則不殊矣

黃帝內經素問卷十三

黃帝內經素問卷十三音釋

病能論解

介音墮

徒卧切

撮

子括切

奇病論鑱

鋤銜切

疥

丑刃切

穡

音畜

大奇論箴

弋念切

瞥

蒲滅切

揣

初委切

脉解論睢

音誰

黃帝內經素問卷十三音釋

黃帝內經素問卷十四

唐王冰次注

宋林億等校正

刺要論

刺齊論

刺禁論

刺志論

鍼解

長刺節論

刺要論篇第五十

新校正云按全元起本
在第六卷刺齊篇中

黃帝問曰願聞刺要岐伯對曰病有浮沈刺有淺深各

至其理無過其道

道謂氣所行之道也

過之則內傷不及則生外

壅壅則邪從之

過之內傷以大深也不及外壅以妄益他分之氣也氣益而外壅故邪氣隨虛

而從之也

淺深不得反為大賊內動五藏後生大病

賊謂私害動謂

動亂然不及則外壅過之則內傷既且外壅內傷是為大病之階漸爾故曰後生大病也

故曰病有

在毫毛腠理者有在皮膚者有在肌肉者有在脉者有

在筋者有在骨者有在髓者

毛之長者曰毫皮之文理曰腠理然二者皆皮之可

見者也

是故刺毫毛腠理無傷皮皮傷則內動肺肺動則

秋病溫瘧泝泝然寒慄

鍼經曰凡刺有五以應五藏一曰半刺半刺者淺內而疾發鍼

令鍼傷多如拔髮狀以取皮氣此肺之應也然此其淺以應於肺膝理毫毛猶應更淺當取髮根淺深之半爾肺之合皮王於秋氣故肺動則秋病溫瘧泝泝然寒慄也刺皮無傷肉肉傷則內動

脾脾動則七十二日四季之月病腹脹煩不嗜食

脾之合肉

寄王四季又其脉從股內前廉入腹屬脾絡胃上鬲俠咽連舌本散舌下其支別者復從胃別上鬲注心中故傷肉則動脾脾動則四季之月腹脹煩而不嗜食也七十二日四季之月者謂三月六月九月十二月各十二日後土寄王刺肉無傷脉脉傷則內動心心動則夏病

心痛

心之合脉王於夏氣真心少陰之脉起於心中出屬心系心包心主之脉起於胃中出屬心包平人

氣象論曰藏真通於心故脉傷則動心心動則夏病心痛刺脉無傷筋筋傷則內動

肝肝動則春病熱而筋弛

肝之合筋王於春氣鉞經曰熱則筋緩故筋傷則動肝肝

動則春病熱而筋弛緩弛猶縱緩也

刺筋無傷骨骨傷則內動腎腎動則

冬病脹腰痛

腎亦合骨王於冬氣膏為腎府故骨傷則動腎腎動則冬病腰痛也腎之脉直行者

從腎上貫肝

刺骨無傷髓髓傷則銷鑠肝酸體解依然

不去矣

髓者骨之充鉞經曰髓海不足則腦轉耳鳴肝酸眩胃故髓傷則腦髓銷鑠肝酸體解依然不

去也銷鑠謂髓腦銷鑠解依然謂強不強弱不弱熱不熱寒不寒解解依然不可名之也腦髓銷鑠骨空之所

也致

刺齊論篇第五十一

新校正云按全元起本在第六卷

黃帝問曰願聞刺淺深之分

謂皮肉筋脉骨之分位也

歧伯對曰刺

骨者無傷筋刺筋者無傷肉刺肉者無傷筋刺筋者無傷骨帝
傷皮刺皮者無傷肉刺肉者無傷筋刺筋者無傷骨帝
曰余未知其所謂願聞其解歧伯曰刺骨無傷筋者鍼
至筋而去不及骨也刺筋無傷肉者至肉而去不及筋
也刺肉無傷脉者至脉而去不及肉也刺脉無傷皮者
至皮而去不及脉也

是皆謂違邪也然筋有寒邪肉有風邪脉有濕邪皮有熱邪則如是

遺之所謂邪者皆言其非順正氣而相干犯也新校
正云詳此謂刺淺不至所當刺之處也下文則誠其太

深也所謂刺皮無傷肉者病在皮中鍼入皮中無傷肉也

刺肉無傷筋者過肉中筋也刺筋無傷骨者過筋中骨

也此之謂反也此則誠過分太深也新校正云按全元起云刺如此者是謂傷此皆過過必

損其血氣是謂逆也邪必因而入也

刺禁論篇第五十二新校正云按全元起本在第六卷

黃帝問曰願聞禁數岐伯對曰藏有要害不可不察肝

生於左肝象木王於春春陽發生故生於左也肺藏於右肺象金王於秋秋陰收殺故藏

於古也新校正云按楊上善云肝為少陽長之始故曰生肺為少陰陰藏之初故曰藏心部於

表陽氣主外腎治於裏陰氣主內腎象水也新校正云按楊上善云心為五藏部主

故得稱部腎間動氣脾為之使營動不已糟粕胃為之內治五藏故曰治

市如水穀所歸五味皆入鬲育之上中有父母鬲育之上

氣者生之原生者命之主故氣海為人之父母也新校正云按楊上善云心下鬲上為育心為陽父也肺為

陰母也肺主於氣心主於七節之傍中有小心小心謂

血共營衛於身故為父母真心神

靈之宮室新校正云按太素小心作志心楊上善云脊有三七二十一節腎在下七節之傍腎神曰志五藏之靈皆名為神神之所以從之有福逆之有咎從謂隨在得名為志者心之神也順也八

者人之所以生形之所以成刺中心一日死其動為噫

故順之則福延逆之則咎

心在氣刺中肝五日死其動為語

肝在氣為語

新校正云按全元起本并

為噫甲乙經語作欠元起云腎傷則刺中腎六日死其動為

噫元起本及甲乙經六日作三日

刺中肺三日死其動

為噫元起本及甲乙經六日作三日

為欬肺在氣刺中脾十日死其動為吞

肺在氣為吞新校正云按全

元起本及甲乙經十日作十五日刺中五藏與診要經

終論并四時刺逆從論相重此叙五藏相次之法以所

生為次甲乙經以心肺肝脾腎為次是以刺中膽一日

所刺為次全元起本舊文則錯亂無次矣新校正云按診要經

半死其動為嘔

膽氣勇故為嘔新校正云按診要經

其病雖愈不刺跗上中大脉血出不止死

跗為足跗大脉動而不止

者則胃之大經也胃為水穀之海然血出不止則胃氣將傾海竭氣亡故死

刺面中溜脉不

幸為盲

面中溜脉者手太陽任脉之交會手太陽脉自顙而斜行至目內皆任脉自鼻軌而傍上行至

瞳子下散刺面中溜脉不幸為盲

刺頭中腦戶入腦立死

腦戶穴名也在枕骨上通

於腦中然腦為髓之海真氣之所聚鍼入腦則真氣泄故立死

刺舌下中脉太過血出

不止為瘡

舌下脉脾之脉也脾脉者俠咽連舌本散舌下血出不止則脾氣不能營運於舌故瘡下

能言刺足下布絡中脉血不出為腫

布絡謂當內踝前足下空處布氣之

絡正當然谷穴分也絡中脉則衝脉也衝脉者並少陰之經下入內踝之後入足下也然刺之而血不出則腎

脉與衝脉氣并歸於然谷之中故為腫

刺却中大脉令人仆脫色

尋此經却中主

治與中腧流注經委中穴正同應却中者以經穴為名委中處所為名亦猶寸口脉口氣口皆同一處爾然却中大脉者足太陽經脉也足太陽之脉起於目內眥合手太陽手太陽脉自目內眥斜絡於顙足太陽脉上頭下項又循於足故刺之過禁則刺氣街中脉血不出為令人仆倒而面色如脫去也

腫鼠僕

氣街之中膽胃脉也膽之脉循脇裏出氣街胃之脉俠齊入氣街中其支別者起胃下口循腹

裏至氣街中而合今刺之而血不出則血脉氣并聚於中故內結為腫如伏鼠之形也氣街在腹下俠齊兩傍相去四寸鼠僕上一寸動脉應手也新校正云按別本僕一作懸氣府論注氣街在齊下橫骨兩端鼠範上一寸刺脊間中髓為偃偃謂偃偻身跽屈也脊間謂脊骨節間也刺中髓則骨精氣泄也

故偃也刺乳上中乳房為腫根蝕乳之上下皆足陽明之

泄胃中氣血皆外湊之然刺中乳房則氣更交湊故為大腫中有膿根內蝕肌膚化為膿水而久不愈刺

缺盆中內陷氣泄令人喘欬逆五藏者肺為之蓋缺盆為之道肺藏氣而主息

又在氣為軟刺缺盆中內陷則肺氣外泄故令人喘欬逆也刺手魚腹內陷為腫魚手

腹內肺脉所流故刺之內陷則為腫也新校正云按甲乙經肺脉所流當作留字無刺大醉令人

氣亂脉數過度故因刺而亂也無刺大怒令人正云按靈樞經氣亂當作脉亂

氣逆怒者氣逆故無刺大勞人經氣無刺新飽人氣盛

無刺大饑人氣不足也無刺大渴人血脉乾也無刺大驚人神蕩

氣不治也
新校正云詳無刺大醉至此七條與電樞經相出入
靈樞經云新內無刺已刺無內大怒無刺已

刺無怒大勞無刺已刺無勞大醉無刺已刺無醉大飽
無刺已刺無飽大飢無刺已刺無飢大渴無刺已刺無

渴大驚大恐必定
刺陰股中大脉血出不止死
陰股之中脾之

其氣乃刺之也
脉也脾者中土孤藏以灌四傍今血出不止脾氣將竭
故死
新校正云按刺陰股中大脉條皇甫士安移在

前刺附上中大脉下相間自後
刺客主人內陷中脉為
至篇末逐條與前條相間也

內漏為聾
客主人穴名也今名上關在耳前上齋起骨開口有空手少陽足陽明脉交會於中陷脉

言刺太深也刺太深則交脉破決故為耳內之漏脉內漏
則氣不營故聾
新校正云詳客主人穴與氣穴論注

同按甲乙經及氣穴府論注云手足少陽
刺膝髓出液
足陽明三脉之會疑此脫足少陽一脉也

為跛

膝為筋府筋會於中液出筋乾故跛

刺臂太陰脉出血多立死

臂太陰者

肺脉也肺者主行榮衛經故立死也

刺足少陰脉重虛出

血為舌難以言

足少陰腎脉也足少陰脉貫腎絡肺繫舌本故重虛出血則舌難言也

刺

膺中陷中肺為喘逆仰息

肺氣上泄逆所致也

刺肘中內陷氣歸

之為不屈伸

肘中謂肘屈折之中天澤穴中也刺過陷脉惡氣歸之氣固關節故不屈伸也

刺

陰股下三寸內陷令人遺溺

股下三寸腎之絡也衝脉與少陰之絡皆起於腎下

出於氣街並循於陰股其上行者

刺掖下脇間內陷令

出胞中故刺陷脉則令人遺溺也

人欬

掖下肺脉也肺之脉從肺系橫出掖下真心藏脉直行者從心系却上掖下刺陷脉則心肺俱動故

也。刺少腹中膀胱溺出，令人少腹滿。

胞氣外泄，穀氣歸之，故少腹滿也。少

腹謂齊下也。

刺膀胱內陷為腫。

膀胱之中足太陽氣泄，故為腫。

刺匡上

陷骨中脉為漏為盲。

匡，目匡也。骨中謂目匡骨中也。匡骨中脉目之系肝之脉也。刺內陷

則眼系絕，故為目漏目盲。

刺關節中液出，不得屈伸。

諸筋者皆屬於節，津液滲潤之

液出則筋膜乾，故不得屈伸也。

刺志論篇第五十三

新校正云：按全元起本在第六卷。

黃帝問曰：願聞虛實之要。岐伯對曰：氣實形實，氣虛形

虛，此其常也。反此者病。

陰陽應象大論曰：形歸氣，由是故虛實同焉。反謂不相合應失。

常平之候也形氣相反故病
生氣謂脉氣形謂身形也

穀盛氣盛穀虛氣虛此其

常也反此者病

靈樞經曰榮氣之道內穀為實穀入於胃氣傳與肺精專者上行經隧由是故

穀氣虛實占心同焉候不相應則為病也
新校正云按甲乙經實作寶

脉實血實脉虛血

虛此其常也反此者病

脉者血之府故虛實同焉反不相應則為病也

帝曰如

何而反歧伯曰氣虛身熱此謂反也

氣虛為陽氣不足陽氣不足當身寒

反身熱者脉氣當盛脉不盛而身熱證不相符故謂反也
新校正云按甲乙經云氣盛身寒氣虛身熱此謂

反也當補

穀入多而氣少此謂反也

胃之所出者氣氣此四字

入於胃脉道乃散今穀入多而氣少者是胃氣不散故謂反也
穀不入而氣多此謂反

也胃氣外散脉盛血少此謂反也脉少血多此謂反也

經脉行氣絡脉受血經氣入絡絡受經氣候不相合故皆反常也氣盛身寒得之傷寒

氣虛身熱得之傷暑傷謂觸冒也寒傷形故氣盛穀入

多而氣少者得之有所脫血濕居下也脫血則血虛血虛則氣盛內鬱

化成津液流入下焦故云濕居下也穀入少而氣多者邪在胃及與肺也

胃氣不足肺氣下流於胃中故邪在胃然肺氣入胃則肺氣不自守氣不自守則邪氣從之故云邪在胃及與

肺脉小血多者飲中熱也飲謂留飲也飲留脾胃之中則脾氣溢脾氣溢則發熱中

脉大血少者脉有風氣水漿不入此之謂也風氣盛滿則水漿不

入於脉

夫實者氣入也虛者氣出也

入為陽出為陰陰生於內故出陽生於外

故氣實者熱也氣虛者寒也

陽盛而陰內拒故熱陰盛而陽外微故寒

入實

者右手開鍼空也入虛者左手閉鍼空也

言用鍼之補寫也古手持

鍼左手捻穴故實者右手開鍼空以寫之虛者左手閉鍼空以補之也

鍼解篇第五十四

新校正云按全元起本在第六卷

黃帝問曰願聞九鍼之解虛實之道岐伯對曰刺虛則

實之者鍼下熱也氣實乃熱也滿而泄之者鍼下寒也

氣虛乃寒也菀陳則除之者出惡血也

菀積也陳久也除去也言絡脉

之中血積而久者邪勝則虛之者出鍼勿按邪者不正之目非本

經氣是則謂邪非言鬼毒精邪之所勝也出徐而疾則

實者徐出鍼而疾按之疾而徐則虛者疾出鍼而徐按

之徐出謂得經氣已久乃出之疾按謂鍼出穴已速疾按之則真氣不泄經脈氣全故徐而疾乃實也疾出

徐緩按之則邪氣得泄精氣復固故疾而徐乃虛也

言實與虛者寒溫氣多少也陰陽之氣也若無若有者

疾不可知也言其冥昧不可即而知也夫不可即知故若無慧然神悟故若若有也察後與

先者知病先後也知病先後乃補瀉之為虛與實者工勿失其法

鍼經曰經氣已至慎守勿失此之謂也

新

若得若失

者離其法也

妄為補寫離亂大經誤補實者轉令若得誤寫虛者轉令若失故曰若得若失也鍼

經曰無實實無虛虛此其誠也 新校正云詳自篇首至此與太素九鍼解篇經同而解異二經互相發明也

虛實之要九鍼最妙者為其各有所宜也

熱在頭身宜銳鍼內分氣

滿宜灸鍼脈氣虛少宜銑鍼寫熱出血發泄固病宜鋒鍼破癰腫出膿血宜鉋鍼調陰陽去暴痺宜員利鍼治

經絡中痛痺宜毫鍼痺深居骨解腰脊節膝之間者宜長鍼虛風舍於骨解皮膚之間宜大鍼此之謂各有所

宜也 新校正云 按別本鉋一作鉋 補寫之時者與氣開闔相合也

氣當時刻

謂之開已過未至謂之闔時刻者何水下一刻人氣在太陽水下二刻人氣在少陽水下三刻人氣在陽明水

下四刻人氣在陰分水下不已氣行不已如是則當刺者謂之開過刺及未至者謂之闔也鍼經曰謹候其氣正云詳自篇首至此文出靈樞經素問解之互相發明也甲乙經云補寫之時以九鍼之名各不同形者鍼窮

其所當補寫也

各不同形謂長短鋒穎不等窮其補寫謂各隨其療而用之也新校正云按

九鍼之形今具甲乙經

刺實須其虛者留鍼陰氣隆至乃去鍼也

刺虛須其實者陽氣隆至鍼下熱乃去鍼也

言要以氣至而有効

也經氣已至慎守勿失者勿變更也

變謂變易更謂更改皆變法也言得

氣至必宜謹守无變其法反招損也

深淺在志者知病之内外也

志一為意志意

皆行鍼之用也

近遠如一者深淺其候等也

言氣雖近遠不同然其測候皆以氣

至而有

如臨深淵者不敢墮也

言氣候補寫如臨深淵不敢墮慢失補寫之法

也手如握虎者欲其壯也

壯謂接鍼堅定也鍼經曰持鍼之道堅者為實則其義也

新校正云按甲乙經實字作寶神無營於衆物者靜志觀病人無左右

視也

目視也視心專一務則用之必中无惑誤也

新

此又為之解亦互相發明也

義無邪下者欲端以正也

正指直刺鍼无左右

必

正其神者欲瞻病人目制其神令氣易行也

檢彼精神令无能越

則氣為神使中外易調也

所謂三里者下膝三寸也所謂跗之者

新校

正云按全元起本跗之作低胛太素舉膝分易見也

三里

作付之按骨空論跗之疑作跗上

穴名正在膝下三寸胛外兩筋肉分間極重

巨虛者蹻

按之則足跗上動脉止矣故曰舉膝分易見

足蹻獨陷者

巨虛穴名也蹻謂舉也取巨虛下廉當舉足取之則蹻外兩筋之間陷下也

下

廉者陷下者也

欲知下廉穴者蹻外兩筋之間獨陷下者則其處也

帝曰余聞九

鍼上應天地四時陰陽願聞其方令可傳於後世以為

常也歧伯曰夫一天二地三人四時五音六律七星八

風九野身形亦應之鍼各有所宜故曰九鍼

新校正云詳此文與

靈樞經相出入人皮應天

覆蓋於物天之象也

人肉應地

柔厚安靜地之象也

人脉

應人盛衰變易人之象也人筋應時堅固真定時之象也人聲應音備五音故人

陰陽合氣應律交會氣通相生无替則律之象新校正云按別本氣一作度人齒面

目應星人面應七星者所謂面有七孔應之也新校正云詳此注乃全元起之辭也人出入

氣應風動出往來風之象也人九竅三百六十五絡應野身形之外野之

也故一鍼皮二鍼肉三鍼脉四鍼筋五鍼骨六鍼調陰

陽七鍼益精八鍼除風九鍼通九竅除三百六十五節

氣此之謂各有所主也一鍼鍼二負鍼三提鍼四鋒鍼五鉗鍼六負利鍼七毫鍼八長

鍼九大鍼新校正云按別本鉗一作鉞人心意應八風動靜不形風之象也人氣應

天運行不息天之象也人髮齒耳目五聲應五音六律髮齒生長耳目清通

五聲應同故應人陰陽脉血氣應地人陰陽有交會生

五音及六律也成脉血氣有虛盈盛衰故應地也人肝目應之九肝氣通目木生數三九竅三

百六十五新校正云按金元起本无此七字人一以觀動靜天二以候

五色七星應之以候髮母澤五音一以候宮商角徵羽

六律有餘不足應之二地一以候高下有餘九野一節

俞應之以候閉節三人變一分人候齒泄多血少十分

角之變五分以候緩急六分不足三分寒關節第九分

四時人寒溫燥濕四時一應之以候相反一四方各作

解

此一百二十四字蓋簡爛大義理殘缺莫可尋究而
上古書故且載之以俾後之具本也 新校正云詳

王氏云一百二十四字今有一百二十三字又亡一字

長刺節論篇第五十五

新校正云按全元起本在第三卷

刺家不診聽病者言在頭頭疾痛為藏鍼之

藏猶深也言深刺之

故下文曰
元起本云為鍼之無藏字

新校正云按全

刺至骨病已上無傷骨肉及

皮皮者道也

皮者鍼之道故刺骨
無傷骨肉及皮也

陰刺入一傍四處治

寒熱

頭有寒熱則用陰刺法治之陰刺謂卒刺之如此

數也 新校正云按別本卒刺一作平刺按甲乙

經陽刺者正內一傍內四陰刺者左古卒刺之此陰刺疑是陽刺也深專者刺大藏寒熱病氣

深專攻中者當迫藏刺背背俞也迫近也漸近於藏則刺背五藏之俞也

刺之迫藏藏會言刺近於藏者何也腹中寒熱去而止

言刺背俞者無問其數與刺之要發鍼而淺出血若與

刺之則治腐腫者刺腐上視癰小大深淺刺腐腫謂腫中肉腐敗

為膿血者癰小者淺刺之癰大者深刺之新校正云按全元起本及甲乙經腐作癰刺大者多血

小者深之必端內鍼為故正癰之大者多出血癰之小者但直鍼之而已新校

正云按甲乙經云刺大者多而深之必端內鍼為故正也此文云小者深之疑此誤病在少腹有

積刺皮髓以下至少腹而止刺俠脊兩傍四椎間刺兩

髂膠季脇肋間導腹中氣熱下已

少腹積謂寒熱之氣結積也皮髓謂齊下

同身寸之五寸橫約文審刺而勿過深之刺禁論曰刺少腹中膀胱溺出令人少腹滿由此故不可深之矣俠脊四椎之間據經无俞恐當云五椎間五椎之下兩傍正心之俞心應少腹故當言椎間也髂為腰骨髂一為解字形相近之誤也髂謂居膠腰間穴也季脇肋間當是刺季肋之間京門穴也
新校正云按釋音皮髓作皮髓苦末反是髓誤作髓也及遍尋篇韻中無髓字只有髂字髂骨端也皮髓者蓋謂齊下橫骨之端也全元起本作皮髓元起註云
病在少腹腹痛不得大小便病
齊傍埤起也亦未為得

名曰疝得之寒刺少腹兩股間刺腰髀骨間刺而多之

盡炁病已

厥陰之脉環陰器抵少腹衝脉與少陰之絡皆起於腎下出於氣街循陰股其後行者自

少腹以下骨中央女子入繫廷孔其終循陰器合纂間繞纂後別統腎至少陰與巨陽中絡者合少陰上股內

從廉貫脊屬腎其男子循莖下至纂與女子等故刺少腹及兩股間又刺腰髀骨間也腰髀骨者腰旁俠脊平

立陷者中按之有骨處也疝為寒生故多刺之少腹病盡熱乃止鍼炁熱也
新校正云按別本纂一作基**病**

在筋筋攣節痛不可以行名曰筋痺刺筋上為故刺分

肉間不可中骨也

分謂肉分間有筋維絡處也刺筋无傷骨故不可中骨也

病起筋

炁病已止

筋寒痺生故得筋熱病已乃止

病在肌膚肌膚盡痛名曰肌

痺傷於寒濕刺大分小分多發鍼而深之以熱為故

大分

謂大肉之分小肉之分無傷筋骨傷筋骨癰發若變

鍼經曰病淺鍼深內

傷良肉皮膚為癰又曰鍼太深則邪氣反沈病益甚傷筋骨則針太深故癰發若變也

諸分盡熱

病已止

熱可消寒故病已則止

病在骨骨重不可舉骨髓酸痛寒

氣至名曰骨痺深者刺無傷脉肉為故其道大分小分

骨熱病已止

骨痺刺無傷脉肉者何自刺其氣通肉之大小分中也

病在諸陽脉

且寒且熱諸分且寒且熱名曰狂

氣狂亂也

刺之虛脉視分

盡熱病已止病初發歲一發不治月一發不治月四五

發名曰癰病刺諸分諸脉其無寒者以鍼調之病止

新校

正云按甲乙經云刺諸病風且寒且熱炆汗出一日數

分其脉尤寒以鍼補之

過先刺諸分理絡脉汗出且寒且熱三日一刺百日而

已病大風骨節重鬚眉墮名曰大風刺肌肉為故汗出

百日

泄衛氣之怫熱

刺骨髓汗出百日

泄榮氣之怫熱

凡二百日鬚眉

生而止鍼

怫熱屏退陰氣內復故多汗出鬚眉生也

黃帝內經素問卷十四

黃帝內經素問卷十四音釋

刺要論

汴音素

弛

施是切

鏐

詩若切

眩

縣音

刺齊論解

胡買切

刺禁論

音牘

刺志論

土活切

捻

音涅

鍼解論

音提

長刺節論

音骷

光抹切

纂

初患切

黃帝內經素問卷十四音釋

謹案卷十二第二頁後四行脉風成為癘刊本成訛盛據脉要精微論改

第二頁後六行以春甲乙傷於風者為肝風按此一節吳崐本移在下文則為泄風之下

第五頁前六行而物不內消刊本物訛陽今改第五頁後二行故先當風一日則病甚刊本一訛二據經文改

第八頁前七行從腰中下貫臀按皇甫謐甲乙經

及本書刺瘡論注貫鬻並作貫脾

第八頁後二行陰氣者靜則神藏案此下十九字
吳崐本移入生氣通天論中

第九頁後八行太白在足內側核骨下按核骨別
本作霰骨

第十七頁後七行陰謂足太陰也刊本太陰下行
陽字據下文刪

第十八頁前八行從腰中下貫鬻刊本缺鬻字據

靈樞經補

第十八頁後八行循頸行手少陽之前按少陽二字刺腰痛論注作陽明此及靈樞甲乙經俱作少陽疑有一誤

卷十三第七頁前四行轉為消渴按吳崐本轉作傳

第十二頁前七行懸去按此二字吳崐本移在上文脉塞而鼓之下

音釋第一頁前三行肫音誰刊本訛作肫音蛆案
脉解篇腫腰肫痛者注云肫謂腎月與漢書武
帝紀郊祀志汾陰肫上句顏師古注同彼注云
肫音誰今據改

卷十四第二頁前五行注心中刊本注訛住中訛
十據靈樞經改

第四頁前五行心為陽父也刊本缺陽字據下句
補

第九頁前三行右手開鍼空也刊本右訛左據張
志聰高世拭吳崐三家本改

第十三頁前六行上無傷骨肉及皮按吳崐本上
作止連上句讀

總校官候補中書臣吳紹潔

校對官庶吉士臣戴聯奎

校對官檢討臣王鍾健

勝錄監生臣呂永安

勝錄監生臣趙之璧

欽定四庫全書薈要

子部

內經素問卷十五至
七


臣
王杰詳校
詳校官主事臣陳本



黃帝內經素問卷十五

唐王冰次注

宋林億等校正


皮部論

經絡論

氣穴論

氣府論

皮部論篇第五十六

新校正云按全元起本在第二卷

黃帝問曰余聞皮有分部脉有經紀筋有結絡骨有度

量其所生病各異別其分部左右上下陰陽所在病之

始終願聞其道歧伯對曰欲知皮部以經脉為紀者諸

經皆然循經脉行止所主則皮部可知諸經謂十二經脉也十二經脉皆同陽明之陽名

曰害蜚蜚生化也害殺氣也殺氣行則生化弭故曰害蜚上下同法視其部中

有浮絡者皆陽明之絡也上謂手陽明下謂足陽明也其色多青則

痛多黑則痺黃赤則熱多白則寒五色皆見則寒熱也

絡盛則入客於經陽主外陰主內陽謂陽絡陰謂陰絡此通言之也手足身

分所見經絡皆然少陽之陽名曰樞持樞謂樞要持謂執持上下同法視

其部中有浮絡者皆少陽之絡也絡盛則入客於經故

在陽者主內在陰者主出以滲於內諸經皆然太陽之

陽名曰關樞

關司外動以靜鎮為事如樞之運則氣和平也

上下同法視其部

中有浮絡者皆太陽之絡也絡盛則入客於經少陰之

陰名曰樞儒

儒順也守要而順陰陽開闔之用也新校正云按甲乙經儒作樞

上下同

法視其部中有浮絡者皆少陰之絡也絡盛則入客於

經其入經也從陽部注於經其出者從陰內注於骨心

主之陰名曰害肩

心主脉入掖下氣不和則妨害肩掖之動運

上下同法視

其部中有浮絡者皆心主之絡也絡盛則入客於經太

陰之陰名曰關蟄

關開蟄類使順行藏
校正云按甲乙經蟄作執

上下同法

視其部中有浮絡者皆太陰之絡也絡盛則入客於經

部皆謂本經絡之所
部分浮謂浮息也

凡十二經絡脉者皮之部也

列陰
陽位

部主於皮故
曰皮之部也

是故百病之始生也必先於皮毛邪中之

則腠理開開則入客於絡脉留而不去傳入於經留而

不去傳入於府廩於腸胃

廩積也
聚也

邪之始入於皮也泝

然起毫毛開腠理

泝然惡寒也起謂毛起堅也
腠理皆謂皮空反文理也

其入於

絡也則絡脉盛色變

盛謂盛滿變謂易其常也

其入客於經也則感

虛乃陷下

經虛邪入故曰感虛脉虛氣少故陷下也

其留於筋骨之間寒多

則筋孳骨痛熱多則筋弛骨消肉爍腠破毛直而敗

孳

也弛緩也消燂也鍼經曰寒則筋急熱則筋緩寒勝為痛熱勝為氣消腠者肉之標故肉消則腠破毛直而敗

也

帝曰夫子言皮之十二部其生病皆何如岐伯曰皮

者脉之部也

脉氣留行各有陰陽氣隨經所過而部主之故云脉之部

邪客於皮則

腠理開開則邪入客於絡脉絡脉滿則注於經脉經脉

滿則入舍於府藏也故皮者有分部不與而生大病也

脉行皮中各有部分脉受邪氣隨則病生非由皮氣而能生也 新校正云按甲乙經不與作不愈全元起本

作不與元起云氣不與經脉和調則氣傷於外邪流入於內必生大病也

帝曰善

經絡論篇第五十七

新校正云按全元起本在皮部論末王氏分

黃帝問曰夫絡脉之見也其五色各異青黃赤白黑不

同其故何也岐伯對曰經有常色而絡無常變也

經行氣故

色見常應於時絡主血故受邪則變而不一矣

帝曰經之常色何如岐伯曰心

赤肺白肝青脾黃腎黑皆亦應其經脉之色也帝曰絡

之陰陽亦應其經乎岐伯曰陰絡之色應其經陽絡之

色變無常隨四時而行也

順四時氣化之行止

寒多則凝泣凝泣

則青黑熱多則淖澤淖澤則黃赤此皆常色謂之無病

五色具見者謂之寒熱

淖澤也澤潤液也謂微濕潤也

帝曰善

氣穴論篇第五十八

新校正云按全元起本在第二卷

黃帝問曰余聞氣穴三百六十五以應一歲未知其所

願卒聞之岐伯稽首再拜對曰窘乎哉問也其非聖帝

孰能窮其道焉因請溢意盡言其處

孰誰也

帝捧手逡巡

而却曰夫子之開余道也目未見其處耳未聞其數而

目以明耳以聰矣

目以明耳以聰言心志通明迥如意也

歧伯曰此所謂

聖人易語良馬易御也帝曰余非聖人之易語也世言

真數開人意今余所訪問者真數發蒙解惑未足以論

也

開氣穴真數庶將解彼蒙昧之疑惑未足以論述深微之意也

然余願聞夫子溢志

盡言其處令解其意請藏之金匱不敢復出

言其處謂穴俞處所

歧伯再拜而起曰臣請言之背與心相控而痛所治天

突與十椎及上紀

天突在頸結喉下同身寸之四寸中夾宛宛中陰維任脉之會低鍼取之

刺可入同身寸之一寸留七呼若灸者可灸三壯按今甲乙經經脉流注孔穴圖經當背十椎下並無穴目恐是

七椎也此則督脉氣所主之上紀之處次如下
說新校正云按甲乙經天突在結喉下五寸
上紀者

胃腕也

謂中腕也中腕者胃募也在上腕下同身寸之一寸居心蔽骨與齊之中手太陽少陽足陽明

三脉所生任脉氣所發也刺可入同身寸之一寸二分
若灸者可灸七壯
新校正云按甲乙經云任脉之會

也下紀者關元也

關元者少陽募也在齊下同身寸之三寸足三陰任脉之所會刺可入同

身寸之二寸留七呼
若灸者可灸七壯

背脊邪繫陰陽左右如此其病前

後痛瀉胃脇痛而不得息不得卧上氣短氣偏痛

新校正云

按別本偏一作滿

脉滿起斜出尻脉絡胃脇支心貫鬲上肩加

天突斜下肩交十椎下

尋此支絡脉泳注病形證悉是督脉支絡自尾骶出各上行斜

絡脇支心貫膈上加天突斜之肩而下交於七椎
校正云詳自背與心相控而痛至此疑是骨空論文簡

脫誤藏俞五十穴也藏謂五藏肝心脾肺腎非兼四形藏
於此

榮俞經合者肝之井也大敦也榮行間也命太衝也經
中封也合曲泉也大敦在足大指端去爪甲角如韭葉

及三毛之中足厥陰脉之所出也刺可入同身寸之三
分留十呼若灸者可灸三壯行間在足大指之間脉動

應手陷者中足厥陰脉之所流也新校正云按甲乙
經留作流餘所流並作留刺可入同身寸之六分留

十呼若灸者可灸三壯太衝在足大指本節後同身寸
之二寸陷者中新校正云按刺腰痛注云本節後內

間同身寸之二寸陷者中動脉應手足厥陰脉之所
注也刺可入同身寸之三分留十呼若灸者可灸三壯

中封在足內踝前同身寸之一寸半新校正云按甲
乙經云一寸陷者中仰足而取之伸足乃得之足厥

陰脈之所行也刺可入同身寸之四分留七呼若灸者可灸三壯曲泉在膝內輔骨下大筋上小筋下陷者中屈膝而得之足厥陰脈之所入也刺可入同身寸之六分留十呼若灸者可灸三壯心包之井者中衝也榮勞宮也俞太陵也經間使也合曲澤也中衝在手中指之端去爪甲角如韭葉陷者中手心主脈之所出也刺可入同身寸之一分留三呼若灸者可灸一壯勞宮在掌中央動脈手心主脈之所流也刺可入同身寸之三分留六呼若灸者可灸三壯太陵在掌後骨兩筋間陷者中手心主脈之所注也刺可入同身寸之六分留七呼若灸者可灸三壯間使在掌後同身寸之三寸兩筋間陷者中手心主脈之所行也刺可入同身寸之六分留七壯呼若灸者可灸七壯新校正云按甲乙經云灸三壯曲澤在肘內廉下陷者中屈肘而得之手心主脈之所入也刺可入同身寸之三分留七呼若灸者可灸三壯脾之井者隱白也榮大都也俞太白也經商丘也

合陰陵泉也隱白在足大指之端內側去爪甲角如韭
葉足太陰脉之所出也刺可入同身寸之一分留三呼
若灸者可灸三壯大都在足大指本節後陷者中足太
陰脉之所流也刺可入同身寸之三分留七呼若灸者
可灸三壯太白在足內側核骨下陷者中足太陰脉之
所注也刺可入同身寸之三分留七呼若灸者可灸三
壯商丘在足內踝下微前陷者中足太陰脉之所行也
刺可入同身寸之四分留七呼若灸者可灸三壯陰陵
泉在膝下內側輔骨下陷者中伸足乃得之足太陰脉
之所入也刺可入同身寸之五分留七呼若灸者可灸
三壯肺之井者少商也藥魚際也俞太淵也經經渠也
合尺澤也少商在手大指之端內側去爪甲角如韭葉
手太陰脉所出也刺可入同身寸之一分留一呼若灸
者可灸三壯新校正云按甲乙經作一壯魚際在手
手大指本節後內側散脉手太陰脉之所流也刺可入
同身寸之二分留三呼若灸者可灸三壯太淵在掌後

陷者中手太陰脉之所注也刺可入同身寸之二分留
二呼若灸者可灸三壯經渠在寸口陷者中手太陰脉
之所行也刺可入同身寸之三分留三呼不可灸傷人
神明尺澤在肘中約上動脉手太陰脉之所入也刺可
入同身寸之三分留三呼若灸者可灸三壯腎之井者
涌泉也榮然谷也俞大谿也經復溜也新校正云按
甲乙經溜作留餘復溜字並同合陰谷也涌泉在足
心陷者中屈足踣指宛宛中足少陰脉之所出也刺可
入同身寸之三分留三呼若灸者可灸三壯然谷在足
內踝前起大骨下陷者中足少陰脉之所流也刺可入
同身寸之三分留三呼若灸者可灸三壯刺此多見血
令人立饑飲食太谿在足內踝後跟骨上動脉陷者中
足少陰脉之所注也刺可入同身寸之三分留七呼若
灸者可灸三壯復溜在足內踝上同身寸之二寸陷者
中
新校正云按刺腰痛篇注云在內踝後上二寸動
脉
足少陰脉之所行也刺可入同身寸之三分留三

呼若灸者可灸五壯陰谷在膝下內輔骨之後大筋之下小筋之上按之應手屈膝而得之足少陰脉之所入也刺可入同身寸之四分若灸者可灸三壯如是五藏之俞藏各五穴則二十五俞以左古脉具而言之則五

十府俞七十二穴

府謂六府非兼九形府也俞亦謂井榮俞原經合非背俞也肝之府膽膽

之井者竅陰也榮俠谿也俞臨泣也原丘虛也經陽輔也合陽陵泉也竅陰在足小指次指之端去爪甲角如韭葉足少陽脉之所出也刺可入同身寸之一分留一呼新校正云按甲乙經作三呼若灸者可灸三壯俠谿在足小指次指歧骨間本節前陷者中足少陽脉之所流刺可入同身寸之三分留三呼若灸者可灸三壯臨泣在足小指次指本節後間陷者中去俠谿同身寸之一寸半足少陽脉之所注也刺可入同身寸之三寸新校正云按甲乙經作二分留五呼若灸者可灸三壯丘虛在足外踝下如前陷者中去臨泣同身寸

之三寸足少陽脉之所過也刺可入同身寸之五分留
七呼若灸者可灸三壯陽輔在足外踝上新校正云
按甲乙經云外踝上四寸輔骨前絕骨之端如前同身
寸之三十分所去丘虛同身寸之七寸足少陽脉之所行
也刺可入同身寸之五分留七呼若灸者可灸三壯陽
陵泉在膝下同身寸之一寸筋外廉陷者中足少陽脉
之所入也刺可入同身寸之六分留十呼若灸者可灸
三壯脾之府胃胃之井者厲兌也榮內庭也俞陷谷也
原衝陽也經解谿也合三里也厲兌在足大指次指之
端去爪甲角如韭葉足陽明脉之所出也刺可入同身
寸之一分留一呼若灸者可灸一壯內庭在足大指次
指外間陷者中足陽明脉之所流也刺可入同身寸之
三分留十呼新校正云按甲乙經云作二十呼若灸
者可灸三壯陷谷在足大指次指外間本節後陷者中
去內庭同身寸之二寸足陽明脉之所注也刺可入同
身寸之五分留七呼若灸者可灸三壯衝陽在足跗上

同身寸之五寸骨間動脉上去陷谷同身寸之三寸足陽明脉之所過也刺可入同身寸之三分留十呼若灸者可灸三壯解谿在衝陽後同身寸之二寸半新校正云按甲乙經作一寸半刺瘡注作三寸半素問二注不同當從甲乙經之說腕上陷者中足陽明脉之所行也刺可入同身寸之五分留五呼若灸者可灸三壯三里在膝下同身寸之三寸腓骨外廉兩筋肉分間足陽明脉之所入也刺可入同身寸之一寸留七呼若灸者可灸三壯肺之府大腸大腸之井者商陽也榮二間也俞三間也原合谷也經陽谿也合曲池也商陽在手大指次指內側去爪甲角如韭葉手陽明脉之所出也刺可入同身寸之一分留一呼若灸者可灸三壯二間在手大指次指本節前內側陷者中手陽明脉之所流也刺可入同身寸之三分留六呼若灸者可灸三壯三間在手大指次指本節後內側陷者中手陽明脉之所注也刺可入同身寸之三分留三呼若灸者可灸三壯合

谷在手大指次指歧骨之間手陽明脉之所過也刺可入同身寸之三分留六呼若灸者可灸三壯陽谿在腕中上側兩筋間陷者中手陽明脉之所行也刺可入同身寸之三分留七呼若灸者可灸三壯曲池在肘外輔屈肘兩骨之中手陽明脉之所入也以手拱臂取之刺可入同身寸之五分留七呼若灸者可灸三壯心之府小腸小腸之井者少澤也榮前谷也俞後谿也原腕骨也經陽谷也合少海也少澤在手小指之端去爪甲下同身寸之一分陷者中手太陽脉之所出也刺可入同身寸之一分留二呼若灸者可灸一壯前谷在手小指外側本節前陷者中手太陽脉之所流也刺可入同身寸之一分留三呼若灸者可灸三壯後谿在手小指外側本節後陷者中手太陽脉之所注也刺可入同身寸之一分留二呼若灸者可灸一壯腕骨在手外側腕前起骨下陷者中手太陽脉之所過也刺可入同身寸之二分留三呼若灸者可灸三壯陽谷在手外側腕中銳

骨之下陷者中手太陽脉之所行也刺可入同身寸之
二分留三呼 新校正云按甲乙經作二呼 若灸者
可灸三壯少海在肘內大骨外去肘端同身寸之五分
陷者中屈肘乃得之手太陽脉之所入也刺可入同身
寸之二分留七呼若灸者可灸五壯心包之府三焦三
焦之井者關衝也榮液門也俞中渚也原陽池也經支
溝也合天井也闕衝在手小指次指之端去爪甲角如
韭葉手少陽脉之所出也刺可入同身寸之一分留三
呼若灸者可灸三壯液門在手小指次指間陷者中手
少陽脉之所流也刺可入同身寸之二分若灸者可灸
三壯中渚在手小指次指本節後間陷者中手少陽脉
之所注也刺可入同身寸之二分留三呼若灸者可灸
三壯陽池在手表腕上陷者中手少陽脉之所過也刺
可入同身寸之二分留六呼若灸者可灸三壯支溝在
腕後同身寸之三寸兩骨之間陷者中手少陽脉之所
行也刺可入同身寸之二分留七呼若灸者可灸三壯

天井在肘外大骨之後同身寸之一寸兩筋間陷者中
屈肘得之手少陽脉之所入也刺可入同身寸之一寸
留七呼若灸者可灸三壯腎之府膀胱膀胱之井者至
陰也榮通谷也俞束骨也原京骨也經崑崙也合委中
也至陰在足小指外側去爪甲角如韭葉足太陽脉之
所出也刺可入同身寸之一分留五呼若灸者可灸三
壯通合在足小指外側本節前陷者中太陽脉之所
流也刺可入同身寸之二分留五呼若灸者可灸三壯
束骨在足小指外側本節後赤白肉際陷者中足太陽
脉之所注也刺可入同身寸之三分留三呼若灸者可
灸三壯京骨在足外側大骨下赤白肉際陷者中按而
得之足太陽脉之所過也刺可入同身寸之三分留七
呼若灸者可灸三壯崑崙在足外踝後跟骨上陷者中
細脉動應手足太陽脉之所行也刺可入同身寸之五
分留十呼若灸者可灸三壯委中在腘中央約文中動
脉新校正云詳委中穴與甲乙經及刺經篇注痺論

注同又骨空論云在膝解之後曲脚之中背面取之又熱穴論注刺熱篇注云在足膝後屈處足太陽脉之

所入刺可入同身寸之五分留七呼若灸者可灸三壯如是六府之俞府各六穴則三十六俞以左右脉具而

言之則七熱俞五十九穴水俞五十七穴並具水熱論中新校正

云按熱俞又頭上五行行五五二十五穴此亦熱俞見刺熱篇注

也中脘兩傍各五凡十六謂五藏之背俞也肺俞在第三椎下兩傍肝俞在第九椎下兩傍脾俞在第十一椎下兩

傍腎俞在第十四椎下兩傍此五藏俞者各俠脊相去

同身寸之一寸半並足太陽脉之會刺可入同身寸之

三分肝俞留六呼餘並留七呼若灸者可灸三壯俠脊數之則大椎上兩傍各一凡二穴今甲乙經經脉流注孔穴圖經並不載未

十穴也

詳何俞也

新校正云按大椎上傍無穴
大椎下傍穴名大杼後有故王氏云未詳

目瞳子浮白

二穴

瞳子膠在目外去眥同身寸之五分手太陽手足少陽三脉之會刺可入同身寸之三分若灸者可

灸三壯浮白在耳後入髮際同身寸之一寸足太陽少陽二脉之會刺可入同身寸之三分若灸者可灸三壯
左古言之各
二為四也
兩髀厭分中二穴
謂環跳穴也在髀樞後足少陽太陽二脉之會

刺可入同身寸之一寸留二十呼若灸者可灸三壯
新校正云按王氏云在髀樞後按甲乙經云在髀樞中

後當作中灸三壯
甲乙經作五壯

犢鼻二穴

在膝髌下筋上俠解大筋中足陽明脉氣所發刺可

入同身寸之六分
若灸者可灸三壯

耳中多所聞二穴

聽宮穴也在耳中珠子大如赤小豆

手足少陽手太陽三脉之會刺可入同身寸之一分若灸者可灸三壯
新校正云按甲乙經云刺可入三分

眉本二穴

擗竹穴也在眉頭陷者中足太陽脉氣所發刺可入同身寸之三分留六呼若灸者可灸

三壯**完骨二穴**

在耳後入髮際同身寸之四分足太陽少陽之會刺可入同身寸之三分留七呼若

灸者可灸三壯

新校正云按

頂中央一穴

風府穴也在頂上入

髮際同身寸之一寸大筋內宛宛中督脉陽維二經之會疾言其肉立起言休其肉立下刺可入同身寸之四

分留三呼灸之

枕骨二穴

氣陰穴也在完骨上枕骨下搖動應手足太陽少陰之會

不幸使人瘡

新

上關二

刺可入同身寸之三分若灸者可灸三壯

校正云按甲乙經云刺可入四分灸可五壯

穴鐵經所謂刺之則效不能欠者也

在耳前上廉起骨關口有空手少陽足陽明之會刺可入同身寸之三

分留七呼若灸者可灸三壯刺深令人耳無所聞

大迎二穴

在曲頰前同身寸之一寸三分骨陷

者中動脉足陽明脉氣所發刺可入同
身寸之三分留七呼若灸者可灸三壯
下關二穴 鍾經

刺之則欠不能故者也在上關下耳前動脉下廉合口
有空張口而閉足陽明少陽二脉之會刺可入同身寸

之三分留七呼若灸者可灸三壯耳中有乾槌之
不得灸也 新校正云按甲乙經槌之作槌抵 **天柱**

二穴 在俠項後髮際大筋外廉陷者中足太陽脉氣所
發刺可入同身寸之二分留六呼若灸者可灸三

壯
巨虛上下廉四穴 上廉足陽明與大腸合也在膝犢
鼻下脘外廉同身寸之六寸足陽

明脉氣所發刺可入同身寸之八分若灸者可灸三壯
下廉足陽明與小腸合也在上廉下同身寸之三寸足

陽明脉氣所發刺可入同身寸之三分若灸者可灸三
壯 新校正云按甲乙經并刺熱篇注水熱穴注上廉

在三里下三寸此云犢鼻下六寸者蓋三里在犢
鼻下三寸上廉又在三里下三寸故云六寸也 **曲牙**

二穴

頰車穴也在耳下曲頰端陷者中開口有空足陽明脈氣所發刺可入同身寸之三分若灸者可灸

三壯也

天突一穴

已前

天府二穴

在腋下同身寸之三寸臂臑內廉動脈手太陰

脈氣所發禁不可灸刺可入同身寸之四分留三呼

天牖二穴

在頸筋間缺盆上

骨下髮際上手少陽脈氣所發刺可入同身寸之一寸留七呼若灸者可灸三壯

扶突二穴

在

當曲頰下同身寸之一寸人迎後手陽明脈氣所發仰而取之刺可入同身寸之四分若灸者可灸三壯

窻二穴

在曲頰下扶突後動脈應手陷者中手太陽脈氣所發刺可入同身寸之六分若灸者可灸三

壯肩解二穴

謂肩井也在肩上陷解中缺盆上大骨前

分若灸者可灸三壯

新關元一穴

新校正云詳此已

校正云按甲乙經灸五壯

前

釋舊當篇再注

今去

委陽二穴

三焦下輔俞也。在膈中外廉兩筋間。此足太陽之別絡。刺可入同身寸之七分。

留互呼若灸者可灸。三壯屈身而取之。

肩貞二穴

在肩曲胛下兩骨解間。肩髃後陷者中。手太陽

脉氣所發。刺可入同身寸之八分。若灸者可灸三壯。

瘖門一穴

在項髮際宛宛中。入係舌本。督脉陽

維二經之會。仰頭取之。刺可入同身寸之四分。不可灸。灸之令人瘖。新校正云：按氣府注云：去風府一寸。

齊一穴

齊中也。禁不可刺。刺之使人齊中惡瘍。潰矢出者死。不可治。若灸者可灸三壯。

胃俞十

二穴

謂俞府或中神藏。靈墟神封。步廊左右。則十二穴也。俞府在巨骨下俠任脉兩傍。橫去任脉各同身

寸之二寸。陷者中。下五穴。透相去同身寸之一寸六分。陷者中。並足少陰脉氣所發。仰而取之。刺可入同身寸

之四分。若灸者。可灸五壯。

背俞二穴

大杼穴也。在脊第一椎下兩傍。相去各同身寸之一寸半。陷者

中督脉別絡手足太陽三脉氣之會刺可入
同身寸之三分留七呼若灸者可灸七壯

膺俞十二

穴

謂雲門中府周榮胃卿天谿食竇左右則十二穴也
新校正云按甲乙經作周榮胃卿雲門在巨骨下

俠任脉傍橫去任脉各同身寸之六寸
水熱穴注作胃中行兩傍與此穴雖異處所無別陷

者中動脉應手雲門中府相去同身寸之一寸餘五穴
述相去同身寸之一寸六分陷者中並手太陰脉氣所

發雲門食竇舉臂取之餘並仰而取之雲門刺可入同
身寸之七分太深令人逆息中府刺可入同身寸之三

分留五呼餘刺可入同身寸之四分若灸者可灸五壯
新校正云詳王氏以此十二穴并手太陰按甲乙經

雲門乃手太陰中府乃手足太陰之會周
榮已下乃足太陰非十二穴並手太陰也

分肉二穴

在足

外踝上絕骨之端同身寸之三分留七呼若灸者可灸三壯
所發刺可入同身寸之三分留七呼若灸者可灸三壯

新校正云按甲乙經無分肉穴詳處所疑是陽輔在足外踝上輔骨前絕骨端如前三分所又按刺腰痛注

作絕骨之端如後二分刺入五分留十呼與此注小異

踝上橫二穴

內踝上首交信穴也交信

去內踝上同身寸之二寸少陰前太陰後筋骨間足陰蹻之郄刺可入同身寸之四分留五呼若灸者可灸三壯外踝上附陽穴也附陽去外踝上同身寸之三寸太陽前少陰後筋骨間陽蹻之郄刺可入同身寸之六分留七呼若灸者可灸三壯

新陰陽蹻四穴

陰蹻穴在足內踝下

是謂照海陰蹻所生刺可入同身寸之四分留六呼若灸者可灸三壯陽蹻穴是謂申脉陽蹻所生在外踝下陷者中

新校正云按刺腰痛篇注作在外踝下五分

容爪甲刺可入同身寸之

二分留七呼若灸者可灸三壯

新校正云按

水俞在

甲乙經留七呼作六呼刺腰痛篇注作十呼

諸分

分謂肉之分理
間治水取之

熱俞在氣穴

寫熱則
取之

寒熱俞在兩

骸厭中二穴

骸厭謂膝外俠
膝之骨厭中也

大禁二十五在天府下五

寸

謂五里穴也所以謂之大禁者謂其禁不可刺也鍼
經曰迎之五里中道而上五至而已五注而藏之氣

盡矣故五五二十五而竭其俞矣蓋謂此
也又曰五里者尺澤之後五里與此文同

凡三百六十

五穴鍼之所由行也

新校正云詳自藏俞五十至此并
重複共得三百六十穴通前天突

十椎上紀下紀共三百六十五
穴除重複實有三百一十三穴

帝曰余已知氣穴之處

遊鍼之居願聞孫絡絡谷亦有所應乎

孫絡小絡也謂
絡之支別者

岐伯曰孫絡三百六十五穴會亦以應一歲以溢奇邪

以通榮衛榮衛稽留衛散榮溢氣竭血著外為發熱內

為少氣疾寫無怠以通榮衛見而寫之無問所會

榮積衛留

內外相薄者見其血絡當即寫之亦無問其脉之俞會

帝曰善願聞谿谷之會也

歧伯曰肉之大會為谷肉之小會為谿肉分之間谿谷

之會以行榮衛以會大氣

新校正云按甲乙經作以舍大氣

邪溢氣壅

脉熱肉敗榮衛不行必將為膿內銷骨髓外破大膿

過熱

故致

留於節湊必將為敗

若留於骨節之間津液所湊之處則骨節之間髓液皆潰

為膿故必爛筋骨而不得屈伸矣

積寒留舍榮衛不居卷肉縮筋

新校正云

按全元起本作寒肉縮筋

肋肘不得伸內為骨痺外為不仁命曰不

足大寒留於谿谷也

邪氣盛甚真氣不榮髓溢內消故為是也不足謂陽氣不足也寒邪

外薄久積淹留陽不外勝內消筋髓故曰不足大寒留於谿谷之中也

谿谷三百六十五

穴會亦應一歲其小痺淫溢循脉往來微鍼所及與法

相同

若小寒之氣流行淫溢隨脉往來為痺病用鍼調者與常法相同爾

帝乃辟左右而

起再拜曰今日發蒙解惑藏之金匱不敢復出乃藏之

金蘭之室署曰氣穴所在岐伯曰孫絡之脉別經者其

血盛而當寫者亦三百六十五脉並注於絡傳注十二

絡脉非獨十四絡脉也

十四絡者謂十二經絡兼任脉督脉之絡也脾之大絡起自於

脾故不并言之也

內解寫於中者十脉

解謂骨解之中經絡也雖則別行然所受邪亦

隨注寫於五藏之脉左右各五故十脉也

氣府論篇第五十九

新校正云按全元起本在第二卷

足太陽脉氣所發者七十八穴

兼氣浮薄相通者言之當言九十三穴非七十

八穴也正經脉會發者七十八穴浮薄相通者一十五穴則其數也

兩眉頭各一

謂攢竹穴也所

在刺灸分壯與氣穴同法

入髮至項三寸半傍五相去三寸

謂大杼風門各

二穴也所在刺灸分壯與氣穴同法本云入髮至項三寸又注云寸同身寸也

新校正云按別諸寸同法與

此注全別此注謂大杼風門各二穴所在灸刺分壯與此氣穴同法今氣穴篇中無風門穴而注言與同法此注之非可見此非王氏之誤誤在後人詳此入髮至頂三寸半傍五相去三寸蓋是說下文浮氣之在皮中五行行五之穴故王都不解釋直云寸為同身寸也但以頂誤作頂刺半字耳所以言入髮至頂者自入髮顙會穴至頂百會凡三寸自百會後至後頂又三寸故云入髮至頂三寸傍五者為兼四行傍數有五行也相去三寸者蓋謂自百會頂中數左右前後各三寸有五行行五共二十五穴也後人誤認將頂為頂以為大杼風門此甚誤也況大杼在第一椎下兩傍風門又在其浮氣第二椎下上云髮除非止三寸半也其誤甚明

在皮中者凡五行行五五二十五

浮氣謂氣浮而通之可以去熱者也

五行謂頭上自髮際中同身寸之二寸後至頂之後者也二十五者其中行則顙會前頂百會後頂強間五督

脉氣也次俠傍兩行則五處承光通天絡却玉枕各五
本經氣也又次傍兩行則臨泣目窻正營承靈腦空各
五足少陽氣也兩傍四行各五則二十穴中行
五則二十五也其刺灸分壯與水熱穴同法

項中大

筋兩傍各一

謂天柱二穴也所在刺

風府兩傍各一

謂

池二穴也刺灸分壯與氣穴同法

新校正云按甲乙

經風池足少陽陽維之會非太陽之所發也經言風府
兩傍乃天柱穴之分位此亦復明上項中大筋兩傍穴
也此注刺出風池二穴於九十三數外更刺前大杼風

門及此風池六穴也

俠背以下至尻尾二十一節十五間各一

十五

間各一者今中謁孔穴圖經所存者十三穴左古共一
十六謂附分謁戶神堂譙譙謁關魂門陽綱意舍胃倉
脊門志室胞育秩邊十三也附分在第二椎下附項內
廉兩傍各相去俠脊同身寸之三寸足太陽之會刺可

入同身寸之八分若灸者可灸五壯魄戶在第三椎下
兩傍上直附分足太陽脉氣所發下十二穴並同正坐
取之刺可入同身寸之五分若灸者如附分法神堂在
第五椎下兩傍上直魄戶刺可入同身寸之三分灸同
附分法譙謔在第六椎下兩傍上直神堂新校正云
按骨空論注云以手厭之令病人呼譙謔之聲則指下
動矣刺可入同身寸之六分留七呼灸如附分法高
關在第七椎下兩傍上直譙謔正坐開肩取之刺可入
同身寸之五分若灸者可灸三壯新校正云按甲乙
經可灸五壯魄門在第九椎下兩傍上直高關正坐
取之刺灸分壯如高關法陽綱在第十椎下兩傍上直
魄門正坐取之刺灸分壯如魄門法意舍在第十一椎
下兩傍上直陽綱正坐取之刺灸分壯如陽綱法胃倉
在第十二椎下兩傍上直意舍刺灸分壯如意舍法育
門在第十三椎下兩傍上直胃倉刺同胃倉可灸三十
壯新校正云按育門灸三十壯與甲乙經同水穴注

作灸三壯 志室在第十四椎下兩傍上直育門正坐取之刺灸分壯如魄戶法胞育在第十九椎下兩傍上直

志室伏而取之刺灸分壯如魄戶法 新校正云按

志室胞育灸如魄戶五壯甲乙經作三壯水穴注亦作

三壯熱穴注志室亦作三壯 袂邊在第二十一椎下兩傍上直胞育伏而取之刺灸分壯如魄戶法 **五藏**

之俞各五六府之俞各六 肺俞在第三椎下兩傍俠脊相去各同身寸之一寸半刺

可入同身寸之三分留七呼若灸者可灸三壯心俞在第五椎下兩傍相去及刺如肺俞法留七呼肝俞在第九

椎下兩傍相去及刺如心俞法留六呼脾俞在第十一椎下兩傍相去及刺如肝俞法留七呼腎俞在第十四

椎下兩傍相去及刺如脾俞法留七呼膽俞在第十五椎下兩傍相去及刺如肺俞法正坐取之刺可入同身寸之五

分留七呼胃俞在第十二椎下兩傍相去及刺如脾俞法留七呼三焦俞在第十三椎下兩傍相去及刺如膽

俞法大腸俞在第十六椎下兩傍相去及刺如肺俞法
留六呼小腸俞在第十八椎下兩傍相去及刺如心俞
法留六呼膀胱俞在第十九椎下兩傍相去及刺如腎
俞法留六呼五藏六府之俞若灸者並可灸三壯新

校正云詳或者疑經中各五各六以各字為誤者非也
所以言各者謂左右各五各六非謂每藏府而各五各

六委中以下至足小指傍各六俞謂委中崑崙京骨束
也

左右言之則十二俞也其所在刺灸如氣穴法經言脉
氣所發者七十八穴今此所有兼亡者九十三穴由此

則大數差錯傳寫有誤也新校正云詳王氏云兼亡
者九十三穴今兼大杼風門風池為九十九穴以此王

氏揔數計之明知此足少陽脉氣所發者六十二穴兩
三穴後之妄增也

角上各二謂天衝面鬢左右各二也天衝在耳上如前
同身寸之三分足太陽少陽二脉之會刺可

入同身寸之三分若灸者可灸五壯曲髻在耳上入髮際曲陽陷者中鼓頤有空足太陽少陽二脉之會刺灸

分壯如直目上髮際內各五謂臨泣目窓正營承靈腦空左右是也臨泣在頭直目

天衝法上入髮際同身寸之五分足太陽少陽陽維三脉之會留七呼目窓在臨泣後同身寸之一寸正營在目窓後

同身寸之一寸承靈在正營後同身寸之一寸半腦空在承靈後同身寸之一寸半俠枕骨後枕骨上並足少

陽陽維二脉之會刺可入同身寸之四分餘並刺可入同身寸之三分若灸者並可灸五壯新校正云按腦

空在枕骨後枕骨上甲乙經作玉枕骨下耳前角上各一謂額厭二穴也在曲角下顙額之上

上廉手足少陽足陽明三脉之會刺可入同身寸之七分留七呼若灸者可灸三壯刺深令人耳無所聞耳

前角下各一謂懸釐二穴也在曲角上顙額之下廉手足少陽陽明四脉之會刺可入同身寸

之三 分留七呼若灸者可灸三壯 新校正云 按後手少陽中云角上此云角下必有一誤 銳髮下

各一 謂和髻二穴也在耳前銳髮下橫動脉手足少陽二脉之會刺可入同身寸之三分若灸者可灸三

壯 新校正云按甲乙經云 客主人各一 客主人穴名 手足少陽手太陽之會也 也在耳前上

廉起骨開口有空手足少陽足陽明三脉之會刺可入 同身寸之三分留七呼若灸者可灸三壯 新校正云

按甲乙經及氣穴注刺禁注並 耳後陷中各一 謂翳風 云手少陽足陽明之會與此異 二穴也

在耳後陷者中按之引耳中手足少陽二脉之 會刺可入同身寸之三分若灸者可灸三壯 下關各

一 下關穴名也所在 耳下牙車之後各一 謂頰車二穴 一刺灸氣穴同法 也刺灸分壯

氣穴 缺盆各一 缺盆穴名也在肩上橫骨陷者中足陽 同法 明脉氣所發刺可入同身寸之二分留

七呼若灸者可灸三壯太深令人逆
息新校正云按骨空注作手陽明
掖下三寸脇下至

肱八間各一

掖下三寸同身寸也掖下謂淵掖輒筋天
池脇下至肱則日月章門帶脉五樞維道

居髀九穴也左右共十八穴也淵掖在掖下同身寸之

三寸足少陽脉氣所發舉臂得之刺可入同身寸之三

分桡不可灸輒筋在掖下同身寸之三寸復前行同身

寸之一寸撻脇新校正云按甲乙經撻作著下同

足少陽脉氣所發刺可入同身寸之六分若灸者可灸

三壯天池在乳後同身寸之二寸新校正云按甲乙

經作一寸掖下三寸撻脇直掖掖肋間手心主足少陽

二脉之會刺可入同身寸之三分新校正云按甲乙

經作七分若灸者可灸三壯日月膽募也在第三肋

端橫直心蔽骨傍各同身寸之二寸五分上直兩乳

新校正云按甲乙經云日月在期門下五分足太陰

少陽二脉之會刺可入同身寸之七分若灸者可灸五

壯章門脾募也在季肋端足厥陰少陽二脉之會側卧
屈上足伸下足舉臂取之刺可入同身寸之八分留六
呼若灸者可灸三壯帶脉在季肋下同身寸之一寸八
分足少陽帶脉二經之會刺可入同身寸之六分若灸
者可灸五壯五樞在帶脉下同身寸之一寸三分足少陽帶
脉二經之會刺可入同身寸之一寸若灸者可灸五壯
維道在章門下同身寸之五寸三分足少陽帶脉二經
之會刺灸分壯如章門法居髀在章門下同身寸之四
寸三分髀骨上新校正云按甲乙經作監骨 陷者
中陽躡足少陽二脉之會刺灸分壯如維道法所以謂
之八間者自掖下三 **髀樞中傍各一** 謂環跳二穴也刺
寸至季肋凡八肋骨 灸分壯氣穴同法
又新校正云按氣穴論云兩髀厭分中王注為環跳穴
又甲乙經注環跳在髀樞中今云髀樞中傍各一者蓋
謂此穴在髀樞中也傍各一者謂左右 **膝以下至足小**
各一穴也非謂環跳在髀樞中傍也

指次指各六俞

謂陽陵泉陽輔丘虛臨泣俠谿竅陰六穴也左右言之則十二俞也其所在刺

灸分壯氣穴同法

足陽明脉氣所發者六十八穴額顙髮際傍

各三

謂懸顙陽白頭維左右共六穴也正面髮際橫行數之懸顙在曲角上顙顙之中足陽明脉氣所發

刺可入同身寸之三分留三呼若灸者可灸三壯陽白在眉上同身寸之一寸直瞳子足陽明陰維二脉之會刺

可入同身寸之三分灸三壯頭維在額角髮際俠本神兩傍各同身寸之一寸五分足少陽陽明二脉之交會

刺可入同身寸之五分禁不可灸 新校正云按甲乙經陽白足少陽陽維之會今王氏注云足陽明陰維之

會詳此在足陽明脉氣所發中則足陽明近是然陽明經不到此又不與陰維會疑王注非甲乙經為得矣

面軌骨空各一

謂四白穴也在目下同身寸之一寸足陽明脉氣所發刺可入同身寸之四分

不可灸 新校正云按甲乙經刺入三分灸七壯

大迎之骨空各一

大迎穴名也在曲頷

前同身寸之一寸三分骨陷者中動脉足陽明脉氣所發刺可入同身寸之三分留七呼若灸者可灸三壯

人迎各一

人迎穴名也在頸俠結喉傍大脉動應手足陽明脉氣所發刺可入同身寸之四分過深

殺人禁 缺盆外骨空各一

謂天髀二穴也在肩缺盆中上伏骨之陷陷者中手足少

陽陽維三脉之會刺可入同身寸之八分若灸者

膺中

骨間各一

謂膺窻等六穴也膺窻在胃兩傍俠中行各相去同身寸之四寸巨骨下同身寸之四寸

八分陷者中足陽明脉氣所發仰而取之刺可入同身寸之四分若灸者可灸五壯此穴之上又有氣戶庫房屋翳下又有乳中乳根氣戶在巨骨下下直膺窻去膺窻上同身寸之四寸八分庫房在氣戶下同身寸之一

寸六分屋翳在氣戶下同身寸之三寸二分下即膺窗也膺窗之下即乳中也乳中穴下同身寸之一寸六分陷者中則乳根穴也並足陽明脈氣所發仰而取之乳中禁不可灸刺灸刺之不幸生蝕瘡瘡中有清汁膿血者可治瘡中有瘻肉若蝕瘡者死餘五穴並刺可入同身寸之四分若灸者可灸三壯

壯五

俠鳩尾之外當乳下三寸俠胃脘各五

謂不容承滿梁門關

門太一五穴也左右共一寸也俠腹中行兩傍相去各同身寸之四寸

新校正云按甲乙經云各二寸疑此

注刺各字不容在第四肋端下至太乙各上下相去同身寸之一寸並足陽明脈氣所發刺可入同身寸之八

分若灸者可灸五壯

新校正云按甲乙經

俠齊廣三

寸各三

廣謂去齊橫廣也廣三寸者各如太一之遠近也各三者謂滑肉門天樞外陵也滑肉門在太

一下同身寸之一寸天樞在滑肉門下同身寸之一寸
正當於齊外陵在天樞下同身寸之一寸並足陽明脉
氣所發天樞刺可入同身寸之五分留七呼滑肉門外
陵各刺可入同身寸之八分若灸者並可灸三壯
校正云按甲乙經天樞在齊傍各二寸上曰滑肉門下
曰外陵是三穴者去齊各二寸也今此經注云廣三寸
素問甲乙經不同然甲乙經分
寸與諸書同特此經為異也
下齊二寸俠之各三
齊下

二寸則外陵下同身寸之一寸大巨穴也各三者謂大
巨水道歸來也大巨在外陵下同身寸之一寸足陽明
脉氣所發刺可入同身寸之八分若灸者可灸五壯水
道在大巨下同身寸之三寸足陽明脉氣所發刺可入
同身寸之二寸半若灸者可灸五壯歸來在水道下同
身寸之二寸刺可入同身寸之八分若灸者可灸五壯
氣街動脉各一
氣街穴名也在歸來下鼠鼯上同身寸
之一寸脉動應手足陽明脉氣所發刺

可入同身寸之三分留七呼若灸者可灸三壯
正云詳此注與甲乙經同刺熱注及熱穴注云氣街在
腹臍下橫骨兩端鼠鼯上刺禁論注在腹下俠齊兩傍
相去四寸鼠僕上骨空注云在毛際兩傍鼠鼯上諸注
不同今伏菟上各一分謂髀關二穴也在膝上伏菟後交
備錄之

者可灸
三壯
三里以下至足中指各八俞分之所在穴空

謂

里上廉下廉解谿衝陽陷谷內庭厲兌八穴也左右言
之則十六俞也上廉足陽明與大腸合下廉足陽明與
小腸合也其所在刺灸分壯與氣穴同法所謂分之所
在穴空者足陽明脉自三里穴分而下行其直者循筋
過跗入中指出其端則厲兌也其支者與直俱行至足
跗上入中指次間故云分之所在穴空也之往也言分
而各行往指
間穴空處也
手太陽脉氣所發者三十六穴目內眥各

一謂睛明二穴也在目內眥手足太陽足陽明陰陽
所會刺脉下言之者出從其正者也
目外各一謂瞳

二穴也在目外眥同身寸之五分手足太陽手足少陽
三脉之會刺可入同身寸之三分若灸者可灸三壯

軌骨下各一謂顴髻二穴也軌頰也頰面顴也在面頰

入同身寸
耳郭上各一謂角孫二穴也在耳上郭表之

太陽手足少陽三脉之會刺可入同身寸之三分若灸
者可灸三壯
新校正云按甲乙經手太陽作手陽明

耳中各一謂聽宮二穴也所在刺
巨骨穴各一巨骨穴

肩端上行兩叉骨間陷者中手陽明蹻脉二經之會刺
可入同身寸之一寸半若灸者可灸三壯
新校正云

按甲乙經
作五壯

曲掖上骨穴各一

謂膈俞二穴也在肩膈後
大骨下脾上廉陷者中手

太陽陽維踰脉三經之會舉臂取之刺可入同身寸之
八分若灸者可灸三壯 新校正云按甲乙經作手足

太陽柱骨上陷者各一

謂肩井二穴也在肩上陷解中缺
盆上大骨前手足少陽陽維三脉

之會刺可入同身寸之
五分若灸者可灸三壯

上天窻四寸各一

謂天窻竅陰
四穴也所在

刺灸分壯與
氣穴同法

肩解各一

謂秉風二穴也在肩上小髃骨
後舉臂有空手太陽陽明手足

少陽四脉之會舉臂取之刺可入同身寸之五分
若灸者可灸三壯 新校正云按甲乙經灸五壯

肩解

下三寸各一

謂天宗二穴也在秉風後大骨下陷者中
手太陽脉氣所發刺可入同身寸之五分

留六呼若灸
者可灸三壯

肘以下至手小指本各六俞

六俞所起於
指端經言至

小指本則以端為本言上之本也下文陽明少陽同也
六俞謂小海陽谷腕骨後谿前谷少澤六穴也左右言
之則十二俞也其所在刺灸分壯氣穴同法 新校正
云後此手太陽陽明少陽三經各言至手某指本王注
以端為本者非也詳手三陽之井穴盡出手某指之端
爪甲下際此言本者是逆指爪甲之本也安得以端為
哉本

手陽明脉氣所發者二十二穴鼻空外廉項上各二

謂迎香扶突各二穴也迎香在鼻下孔傍手足陽明二
脉之會刺可入同身寸之三分扶突在曲頰下同身寸
之一寸人迎後手陽明脉氣所發仰而取之
刺可入同身寸之四分若灸者可灸三壯 大迎骨空

各一者大迎穴名也在曲頰前同身寸之一寸三分骨陷

分留七呼若灸者可灸三壯 新校正云詳大迎穴已
見前足陽明經中今又見於此王氏不注所以當如類

髀壳兩出之義**柱骨之會各一**謂天鼎二穴也在頸缺盆上直

明脉氣所發刺可入同身寸之四分若灸者**髀骨之會**可灸三壯新校正云按甲乙經作一寸半

各一謂肩髃二穴也所在刺灸分壯與氣穴同法**新**校正云按髀骨氣穴注中無刺熱注水熱穴注骨

空論注**肘以下至手大指次指本各六俞**謂三里陽谿合谷三間二

間商陽六穴也左右言之則十二俞也所在刺灸分壯與氣穴同法**新校正云按氣穴論中有曲池而無三**

里曲池手陽明之合也此**手少陽脉氣所發者三十二**誤出三里而遺曲池也

穴**髀骨下各一**謂髀髁二穴也所在刺灸分壯與手太陽脉同法此穴中手少陽太陽脉氣俱

會於中等無優劣故**眉後各一**謂絲竹空二穴也在眉**重說於此下有者同**後陷者中手少陽脉氣

所發刺可入同身寸之三分留六呼不可灸灸之不幸
使人目小及盲 新校正云按甲乙經手少陽作足少

陽留六呼 角上各一 謂懸釐二穴也此與足少陽脉
作三呼 同以是二脉之會也 新校正云

按足少陽脉中言角 下完骨後各一 謂天牖二穴也
下此云角上疑此誤 在刺灸分壯與

穴同 項中足太陽之前各一 謂風池二穴也在耳後陷
法 者中按之引於耳中手足

少陽脉之會刺可入同身寸之四分若灸者可灸三壯
新校正云按甲乙經在顛額後髮際足少陽陽維之

會刺可入三分 俠扶突各一 謂天窻二穴也在曲頰下扶突後
入三分 動脉應手陷者中手太陽脉氣所

發刺可入同身寸之六 肩貞各一 肩貞穴名也在肩曲
分若灸者可灸三壯 胛下兩骨解間肩髃

後陷者中手太陽脉氣所發刺可入 肩貞下三寸分間
同身寸之八分若灸者可灸三壯

各一

謂肩髃膈會消灤各二穴也其穴各在肉分間也

刺可入同身寸之七分若灸者可灸三壯膈會在胃前

廉去肩端同身寸之三寸手陽明少陽二絡氣之會刺

可入同身寸之五分灸者可灸五壯消灤在肩下臂外

關掖斜肘分下行間手少陽脉之會刺可入同身寸之

五分若灸者
可灸三壯
肘以下至手小指次指本各六俞
謂天井
支溝陽

池中渚液門關衝六穴也左右言之則督脉氣所發者

十二俞也所在刺灸分壯與氣穴同法

二十八穴

今少一穴
新校正云按會陽二穴為

項中

央二

是謂風府瘡門二穴也悉在項中餘一穴今亡風

府在項上入髮際同身寸之一寸大筋內宛宛中

督脉陽維之會刺可入同身寸之四分留三呼不可妄

身寸之一寸督脉陽維二經之會仰頭取之刺可入同
身寸之四分禁不可灸灸之令人瘡 新校正云按王
氏云風府瘡門悉在項中餘一穴今亡者非謂此二十
八穴中亡其一穴也王氏蓋見氣穴論大椎上兩傍各
一穴亦在項之穴也今亡故云餘一穴今亡也
髮際後中八 謂神庭上星顙會
間腫戶八穴也其正髮際之中也神庭在髮際直鼻督
脉足太陽陽明脉三經之會禁不可刺若刺之令人顛
疾目失睛若灸者可灸三壯上星在顙上直鼻中央入
髮際同身寸之一寸陷者中容豆顙會在上星後同身
寸之一寸陷者中前頂在顙會後同身寸之一寸五分
骨間陷者中百會在前頂後同身寸之一寸五分頂中
央旋毛中陷容指督脉足太陽之交會後頂在百會後
同身寸之一寸五分強間在後頂後同身寸之一寸五
分腫戶在強間後同身寸之一寸五分督脉足太陽之
會不可灸此八者並督脉氣所發也上星百會強間腦

戶各刺可入同身寸之三分上星留六呼腦戶留三呼
餘並刺可入同身寸之四分若灸者可灸五壯新校

正云按甲乙經腦戶不可灸面中三穴也素膠水溝斷交三

灸骨空論注云不可妄灸面中三穴也素膠在鼻柱上
端督脉氣所發刺可入同身寸之三分水溝在鼻柱下

人中直脣取之督脉手陽明之會刺可入同身寸之二
分留六呼若灸者可灸三壯斷交在脣內齒上斷縫督

脉任脉二經之會可逆刺之入同身寸之三分若灸者
可灸三壯此三者正大椎以下至尻尾及傍十五穴

居面左右之中也
之間有大椎陶道身柱神道靈臺至陽筋縮中樞脊中
懸樞命門陽關腰俞長強會陽十五俞也大椎在第一

椎上陷者中三陽督脉之會陶道在項大椎節下間督
脉足太陽之會僂而取之身柱在第三椎節下間僂而

取之神道在第五椎節下間僂而取之靈臺在第六椎
節下間僂而取之至陽在第七椎節下間僂而取之筋

縮在第九椎節下間俛而取之中樞在第十椎節下間
 俛而取之脊中在第十一椎節下間俛而取之禁不可
 灸令人僂懸樞在第十三椎節下間伏而取之命門在
 第十四椎節下間伏而取之陽關在第十六椎節下間
 坐而取之腰俞在第二十一椎節下間長強在脊骶端
 督脉別絡少陰二脉所結會陽穴在陰尾骨兩傍凡此
 十五者並督脉氣所發腰俞長強各刺可入同身寸之
 二分新校正云按甲乙經作二寸水穴論注作二分
 腰俞穴繆刺論注作二寸熱穴注作二寸刺熱注作二
 分諸注不同雖甲乙經作二寸疑大深與其失之深不
 若失之淺宜從二分之說留七呼懸樞刺可入同身
 寸之三分會陽刺可入同身寸之八分餘並刺可入同
 身寸之五分陶道神道各留五呼陶道身柱神道筋縮
 可灸五壯大椎可九壯餘並可三壯新校正云按甲
 乙經無靈臺中
 至骶下凡二十一節脊椎法也通項骨
 樞陽關三穴三節即

二十節任脉之氣所發者二十八穴

今少一穴

喉中央二

謂廉泉天

突二穴也廉泉在頷下結喉上舌本下陰維任脉之會刺可入同身寸之三分留三呼若灸者可灸三壯天突在頸結喉下同身寸之四寸中央宛宛中陰維任脉之會低鍼取之刺可入同身寸之一寸留七呼若灸者可

灸三壯

膺中骨陷中各一

謂璇璣華蓋紫宮玉堂膺中中庭六穴也璇璣在天突下同身

寸之一寸華蓋在璇璣下同身寸之一寸紫宮玉堂膺中中庭各相去同身寸之一寸六分陷者中並任脉氣所發仰而取之各刺可入同身寸之三分若灸者可灸五壯

鳩尾下三寸胃脘五寸

胃脘以下至橫骨六寸半一

新校正云詳一字疑誤

腹脉法也

鳩尾

心前穴名也其正當心蔽骨之端言其骨垂下如鳩尾形故以為名也鳩尾下有鳩尾巨關上脘中脘建里

下腕水分齊中陰交腓腓丹田關元中極曲骨十四俞也鳩尾在臆前蔽骨下同身寸之五分任脉之別不可灸刺人無蔽骨者從歧骨除下行同身寸之一寸新校正云按甲乙經云一寸半為鳩尾處也 下次巨闕上腕中腕建里下腕水分遞相去同身寸之一寸上腕則足陽明手太陽之會中腕則手太陽少陽足陽明三脉所生也齊中禁不可刺若刺之使人齊中惡瘍潰失出者死不治陰交在齊下同身寸之一寸任脉陰衝之會腓腓在齊下同身寸之一寸丹田三焦募也在齊下同身寸之二寸關元小腸募也在齊下同身寸之三寸足三陰任脉之會也中極在關元下一寸足三陰之會也曲骨在橫骨上中極下同身寸之一寸足厥陰之會凡此十四者並任脉氣所發建里丹田並刺可入同身寸之六分留七呼 新校正云按甲乙經作五分十呼上腕陰交並刺可入同身寸之八分下腕水分並刺可入同身寸之一寸中腕腓腓並刺可入同身寸之一寸

二分曲骨刺可入同身寸之一寸半留七呼餘並刺可入同身寸之一寸二分若灸者關元中脘各可灸七壯齊中中極曲骨各三壯餘並可五壯自鳩尾下至陰間並任脉主之腹脉法也

新校正云據此注云餘並刺

入一寸二分關元在中與甲乙經及氣穴骨空注刺入二寸不同當從甲乙經之寸數

下陰別一

謂會陰一穴也自曲骨下至陰陰之下兩陰之間則此穴也是任脉別絡俠督脉者衝脉之會故曰下陰別一也刺可入同身寸之二寸留七呼若灸者可灸三壯

新校正云按甲乙經七呼作留三呼

目下各

一謂承泣二穴也在目下同身寸之七分上直瞳子陽蹻任脉足陽明三經之會刺可入同身寸之三

可灸下脘一謂承漿穴也在頤前下脘之下足陽明脉任脉之會開口取之刺可入同身寸之二分留

五呼若灸者可灸三壯新斷交一斷交穴名也所在按正云按甲乙經作留六呼

斷交一

刺灸分壯與脉同

法
衝脉氣所發者二十二穴俠鳩尾外各半寸至齊寸

一謂幽門通谷陰都石關商曲育俞六穴左右則十二穴也幽門俠巨闕兩傍相去各同身寸之半寸陷者

中下五穴各相去同身寸之一寸並衝脉足少陰二經之會各刺可入同身寸之一寸若灸者可灸五壯新

校正云按此云各刺入一寸按俠齊下傍各五分至橫甲乙經云幽門通谷刺入五分

骨寸一腹脉法也

謂中注髓府胞門陰關下極五穴左右則十穴也中注在育俞下同身寸

之五分上直幽門下四穴各相去同身寸之一寸並衝脉足少陰二經之會各刺可入同身寸之一寸若灸者

可灸
足少陰舌下厥陰毛中急脉各一

足少陰舌下二穴在人迎前陷

中動脉前是日月本左右二也足少陰脉氣所發刺可入同身寸之四分急脉在陰髦中陰上兩傍相去同身

寸之二寸半按之隱指堅然甚按則痛引上下也其左
者中寒則上引少腹下引陰丸善為痛為少腹急中寒
此兩脉皆厥陰之大絡通行其中故曰厥陰急脉即舉
之系也可灸而不可刺病疝少腹痛即可灸 新校正
云詳舌下毛中 手少陰各一 謂手少陰郄穴也在腕後
之穴甲乙經無 同身寸之半寸手少陰郄
也刺可入同身寸之三分 陰陽蹻各一 陰蹻一謂交
灸者可灸三壯左右二也 信穴也交信
在足內踝上同身寸之二寸少陰前太陰後筋骨間陰
蹻之郄刺可入同身寸之四分留五呼若灸者可灸三
壯陽蹻一謂附陽穴也附陽在足外踝上同身寸之三
寸太陽前少陽後筋骨間謹取之陽蹻之郄刺可入同
身寸之六分留七呼若灸 手足諸魚際脉氣所發者凡
者可灸三壯左右四也

三百六十五穴也

經之所存者多凡一十九穴此所謂
氣府也然散穴俞諧經脉部分皆有

之故經或不言而甲乙經經
脉流注多少不同者以此

黃帝內經素問卷十五

黃帝內經素問卷十五音釋

皮部論蜚

扶沸切

腠

渠殞切

氣穴論蔽

必寐切

撻

音摘

臠

奴到切

氣府論顙

音信

諛

上音衣

喜

顙

上如輒切

下汝車切

毖

音祕

頤

音仇

黃帝內經素問卷十五音釋